

# JON

## Jiysis Minim Tep Jon Tikak Minim Nind Niņep

Baybol buk day Jon tikak ak, Jiysis mey Minim Maņgiy Won permindep ak biyim ay ap namb chin biy mindiy, yerer gindand amiy kumiy tikjak Nop ker amnak minim ak, aņgrop gen nup gosimb niņey, kuyip dek perper mindeyañ aņgiy tikak (2:31).

### **Minim Ar Keykey Mindip Rek:**

Minim Maņgiy Won permindep minim ar ak mindip, chapta 1:1-18.

Jon bi ñiņg pikñemb ak sek, Jiysis binuk nind dak gok sek minim ak mindip, chapta 1:19-51.

Jiysis woņg kiñiņ gi gak minim ak mindip, chapta 2:1-12:50.

Jiysis ñin nuk ak maņ gakniņ, Jerusalem sek yep maņ kun okok sek aņgñirañgek minim ak mindip, chapta 13:1-19:42.

Jiysis kumiy tikjakek, miseņ niņyak minim ak mindip, chapta 20:1-31.

Miñmon Galiyliy miseņ gek niņyak minim ak mindip, chapta 21:1-25.

### *Krays Mankumb Biy Wak*

<sup>1</sup> Miñmon ma alwol gayak ñin ak, Minim Maņgiy Won aņgniņg gispiyn ak mindek. Minim Maņgiy Won kun ak, nuk kunep Gor ak mey, Gor yip mindek. <sup>2</sup> Miñmon kindik alwol gayak; nind yimb

yimb nuk Gor yip mindyĩngip. <sup>3</sup> Nuk nep, tap okok maŋgiysek gayak. Tap bap key ma ayak; nuk gayak gok nep mindip. <sup>4</sup> Nuk kim mindep junj ak mey, kim mindep melik nuk ak, biynimb gok kuyip niŋimb. <sup>5</sup> Melik nuk kun ak, kisyim wip namb okok apek, tuŋsuŋg mer niŋiy kirpay.

<sup>6-7</sup> Gor pen biynimb gok maŋgiysek Minim Maŋgiy Won kun anup gosimb niŋniŋiy aŋgiy, Jon bi ñiŋg pikñemb anup aŋgek, melik minim ak aŋñiyiŋgip. <sup>8</sup> Jon nuk melik kun ak mer; nuk yikop biynimb gok kuyip minim kun ak aŋñiyiŋgip. <sup>9</sup> Melik yimb ak mey, Minim Maŋgiy Won kun ak. Nuk man ar biy apek melik nuk ak, biynimb okok kuyip maŋgiysek amnak.

<sup>10</sup> Nuk nep miñmon alwol gay, biynimb gok gay gak ak pen; ap mindek nup ma niŋyak. <sup>11</sup> Miñmon yand key ak amniyn aŋgiy, awak ak pen; nup ma diyak. <sup>12</sup> Biynimb Biyomb chin aŋgiy diyak gok nep kuyip gek, Gor ñapan nuk mindpay. <sup>13</sup> Ñapan nuk mindpay kun ak, bi beryoŋgon gok di giy, ñapan tikey mindpay rek ma mindpay. Pen biynimb gunap mumbwak tikjakek, di giy ñapan tikey mindpay rek mer; Gor nuk key gek ñapan nuk mindpay.

<sup>14</sup> Pen Minim Maŋgiy Won kun ak, biyimb ay apiy, chin yip kin mindyĩngip. Kun ak nup niŋbun: nuk bi simb niŋep tep yimb kun ak key. Nuk Gor Ñinuk nokom yimb ak mey; Gor nuk key Biyomb teprep yimb mindip rek ak mindip.

<sup>15</sup> Pen Bi kun ak apek niŋiy, Jon biynimb gok kuyip aŋgak, “Bi wip biy nep mey, nimbip nind aŋgnik, ‘Bi kisen winiŋgamb ak, nind yimb yimb

mindyngip ak mey, yand rek mer; nuk Biyomb yimb mindip angnik' angak."

<sup>16</sup> Bi kun ak, chinup mangiysek simb ninjy kumiy tikjakak rek, biynimb gok kuyip bilesiy keykey ñimb. <sup>17</sup> Low minim ar ak, Gor Mosis nup ñek chinup angñak ak pen, Gor biynimb simb ninjy dip minim yipul yimb ak, Jiysis Krays owak rek misen ninbun. <sup>18</sup> Biynimb bap Gor nup ma ninyak. Ñi tep nuk ak nep, nuk yip mindiy misen apek ninjy mey; Nop bi yerip rek mindip ak ninbun.

*Jon Bi Ñing Pikñemb Ak, Yand Bi Kiy Yomb Key Yimb Ak Mer Angak*

*(Mat 3:1-12; Mak 1:7-8; Luk 3:15-17)*

<sup>19</sup> Biyomb Jerusalem kond mindyngipay gok, bi Gor nup simbonjep gunap, bi Gor angnijep korip kond mindyngipay gunap angyokiy angyak, "Nimb Jon mindip amiy, nand bi an angyi angninimimb angyak."

<sup>20</sup> Kun giy angyokey, Jon mindek ak amjakiy, nup angnijiy angyak, "Nand bi an?"

Angeyak, anj wegyiy mer; kuyip misen angyi angak, "Yand Kiy yomb key yimb ak mer angak."

<sup>21</sup> Kun angek angyak, "Kun apan ak, nand an? Nand Yilayja akan?"

Angeyak, "Yand Yilayja mer angak."

Kun angek angyak, "Nand bi Gor minim anjep per kond mindpun ak akan?"

Angey, "Mer" angak.

<sup>22</sup> Kun angek, bi kun gok nup angyak, "Kun ak nand an? Pen yand bi yerip angyi angenimin;

chin am biyomb chinup angyokpay gok kuyip angninjun angyak.”

<sup>23</sup> Angey, Jon kuyip angak, “Bi Gor minim angep Asaya kisen giningamb angak rek nep gispiyn. Nuk angak:

“Bi bap biynimb kunay ma mindpay namb okok mindiy, meng mingan dand araniy angningamb: Per biyomb asaw angyi, kinjen pindrep giy kond mindpay rek ak ginimimb angningamb angak.”

<sup>24</sup> Pen bi Jon nup angninjing wiyak kun gok, bi Peresiy gunap sek, angyokey wiyak ak mey, <sup>25</sup> kiyk Jon nup angyak, “Nand apan: yand Kiyn yomb key yimb ak mer, Yilayja mer, bi Gor minim angep kond mindpun ak mer apan ak; yenen pen biynimb gok kuyip ning piknisan angyak.”

<sup>26</sup> Angeyak angak, “Yand kuyip yikop ning piknimbiyn. Pen bi bap namb nimbip biy mindip. Nup bi yerip rek angyi ma ninbim ak pen, <sup>27</sup> nuk yand rek mer; nuk Biyomb yimb. Nup ninen yip nambin gip. Tomb tirup nup ak tungasikyinj, tap nup gok marik ginim rek ma ayip angak.”

<sup>28</sup> Gak kun ak, Jon biynimb gok kuyip ning pikniyinjip miñmon Beteniy, Joden ning gol pis tawakdon ken.

*Siypsiyp Ñiluk Gor Chinup Yokak Mey, Jiysis Nep*

<sup>29</sup> Minek Jiysis Jon ker apek, nup ning pikniy, biynimb gok kuyip angak, “Ninim! Bi biy mey Gor Siypsiyp Ñiluk nuk chinup angip ak. Nuk mey, Gor nup simbongyi, biynimb mankumb biy kuyip gach ak wiykyokningamb. <sup>30</sup> Bi kun biy mey nind

anġnik, ‘Nuk Biyomb yimb, yand bi sikoy, nuk nind yimb yimb mindek, yip kisen tikpay anġnik.’

<sup>31</sup> Nuk mindip anġiy per niñyinqi piyn ak pen, an rek mindip anġiy ma niñnik; miñiy mey niñrep gispiyn. Nuk Kiyñ yomb key yimb kond mindpun anep mindip ak; niñiy dim anġiy, nimbip Yisrel biynimb ñiñg pikñimbiyn anġak.”

<sup>32-33</sup> Pen Jon Jiysis nup minim ar ak anġiy anġak, “Bi kun biy an anġiy ma niñbinip; Bi yip anġek biynimb ñiñg pikñimbiyn ak anġak, ‘Nand niñningamban; Kawnan yand ak bi bap ker apiy, yip mindeniñgamb. Bi kun ak, biynimb gok kuyip ñiñg ma pikñiñgamb; nuk gek Kawnan yip ak diniñgambay anġak.’ Anġak kun ak mey, miñiy Gor Kawnan ak, yakir kochir rek nup ker apamb, <sup>34</sup> niñrep giy apiyn: ‘Bi biy Gor Ñinuk ak nep apiyn anġak.’”

### *Jiysis Binuk Omiñal Nind Dak*

<sup>35</sup> Minek pen, Jon binuk omiñal ak yip, tip ak ap ñiñg pikñiyiñgip siñak mindyakniñ, <sup>36</sup> Jiysis apiy pandikek, Jon niñiy anġak, “Bi biy, Gor Siyp-siyp Ñiluk nuk chinup yokek owak anep anġak.”

<sup>37</sup> Kun anġek, Jon binuk omiñal ak, minim kun ak niñiy, Jon nup kirgiy, Jiysis amek miñgan ak kisen amnirik. <sup>38</sup> Pen Jiysis andikiy kuyipmiñay niñiy anġak, “Yenen aswiyr?” Anġek anġrik, “Rabay! Nand kinban akay?” <sup>39</sup> Pen kun giy anġniñer, Jiysis anġak, “Kun ak yand yip amiy niñningayr anġak.” Anġek, ñin kun ak duñgep won ak amiy, nuk yip mindeyak.

<sup>40</sup> Jon binuk omiṅal kun ak, bi bap yimb nuk Enjriw. Enjriw numam nuk mey, Saymon Piyta.

<sup>41</sup> Enjriw won kun anep, am numam Saymon nup piyow ninjy angak, “Bi Kiyṅ winiṅgamb angiy per kond mindpun ak, miñiy niṅbun angak.”

<sup>42</sup> Enjriw kun angiy, numam Saymon nup poṅind Jiysis mindek ak amek, Jiysis Saymon nup ninjy angak, “Jon ñinuk Saymon. Nip Siypas anṅniṅgambun angak.” Yimb Siypas angak kun ak, Griyk minim angiy mey, Piyta apay.

### *Jiysis Piyliyp Yip Nataniyel Yip Kuyip Dak*

<sup>43</sup> Minek Jiysis Galiyliy propens amniṅg, am Piyliyp nup ninjy angak, “Yand yip amnur angak.”

<sup>44</sup> Piyliyp, Enjriw, Piyta miñmon kiykyakam mey Betsayda nep. <sup>45</sup> Pen Piyliyp am Nataniyel nup ninjy angak, “Chin bi siṅok, Mosis sek, bi Gor minim anṅep gunap sek Baybol buk tikiy angyak anup, miñiy niṅbun. Nuk mey Josep ñinuk; miñmon Nasaret nimb angak.”

<sup>46</sup> Piyliyp kun anṅek, Nataniyel angak, “Bi tep bap miñmon timey kun ak nimb winiṅgamb?”

Anṅek, Piyliyp angak, “Kun apan ak, apey am niṅur angak.”

<sup>47</sup> Kun angiy, maṅmaṅ girikniṅ, Jiysis Nataniyel nup ninjy angak, “Bi kun ak, bi Yisrel yipund giy ak mey, nuk yesek ar ak ma anṅniṅgamb; yipund giniṅgamb ar ak nep anṅniṅgamb angak.”

<sup>48</sup> Kun anṅek, Nataniyel angak, “Yip yergiy niṅban?”

Anṅek, Jiysis angak, “Enjriw nip kisen poṅdiniṅ nimb; nip niṅbiyn bisinṅ mindamban kiyaw kiñiṅ siṅak angak.”

<sup>49</sup> Kun angek, Nataniyel angak, “Tiysa. Nip niñbiyn! Nand Gor Ñinuk. Yisrel biynimb Kiyñ yomb chin angak.”

<sup>50</sup> Kun angek, Jiysis angak, “Nip yikop kiyaw kiñiñ siñak niñbiyn angen, yip Gor Ñinuk yimb angyi niñban? Kisen tap key yimb gunap gen niñningamban. <sup>51</sup> Nimbip mangyisek niñind aspiyn: enjol gok bi bap Ñinuk nup, niñning amiy apiy geniñgambay niñningambim angak.”

## 2

### *Biber Bap Diniñ Ger, Tap Yomb Ñiñyak*

<sup>1-2</sup> Ñin omiñal mindiy, biber bap diniñ ger, biynimb suk angey amiy, tap ñiñyak miñmon Keyna-Galiyliy propens namb okok. Ñin kun ak, Jiysis sek, binuk gok sek kuyip kunep suk angeyak amniyak. Pen Jiysis nonim am korip kun ak nind mindek ak mey, <sup>3</sup> ñiñ wayn ak ñimbdeyak, nuk apiy Jiysis nup angak, “Wayn ak ñimbdiPAY angak.”

<sup>4</sup> Kun angek angak, “Yip kun gan kun gan ma angnimin. Ñin yand ak ma wip angak.”

<sup>5</sup> Angek, nonim am bi wong giñemb gok kuyip angak, “Jiysis minim bap angonimun; angnimun rek nep ginimimb angak.”

<sup>6</sup> Pen Jiwda biynimb kamb diy giyiñgipay tiyn yomb yimb onep kañgol ak dayey mindek. Tiyn kun gok, miñ ar kiyk ak giyiñgipay rek, suñ-tep mindon angyi, ñiñ mal dap songiy, ñin tomb ñiñ ay gilunñ yokyiñgipay. <sup>7</sup> Jiysis pen, bi wong giñemb gok kuyip angak, “Kamb tiyn guniy ñiñ

mal dand apiy, songem arachaknimun angak.” Angek, angak rek geyak angak, <sup>8</sup> “Miñiy ñing mal dap aypim ak gunap pañg dand amiy, bi tap ñimbsipun biy kond mindip anup ñinimimb angak.”

<sup>9</sup> Angek, ñing yimb kun ak pañg dam biyomb anup ñeyak, nuk ñimbiy niñak; ñing wayn tep ak mindek. Pen nuk ñing wayn kun ak akay nimb angyi ma niñak; bi wonj giñemb gok kiyk nep niñyak. Pen nuk ma niñak rek mey, bi biyn diniñg gek kun anup suk angek apek angak, <sup>10</sup> “Pernep, ñing wayn tep ak dap ñey ñimbdey mey, ñing wayn timey ak kisen ñey ñimbay. Pen nand ñing wayn tep ak day mindiy, miñiy nep dap ñispan angak.”

<sup>11</sup> Pen Jiysis ñin kun ak miñmon Keyna mindiy, tap mageprek ak kiñiñ giy gek, nuk bi key yimb mindek ak misen niñep rek ayek, binuk gok nup gosimb niñyak. <sup>12</sup> Pen tap ñimbdiy, Jiysis nuk; nonim, numam, binuk gok kuyip poñind miñmon Kapaniyam amiy, yep ñin kaw bap kun ak mindeyak.

*Gor Angniñep Korip Ak Maker Geyak  
(Mat 21:12-13; Mak 11:15-17; Luk 19:45-46)*

<sup>13</sup> Jiwda ñin yomb kiyk Pasopa apay ak mañ gakniñ, Jiysis Jerusalem amiy niñak; <sup>14</sup> biynimb gok, Gor angniñep korip miñgan ak; kaw, siyp-siyp, yakir tap gok dap maker ayiñg, maniy seniys giyiñg geyak. <sup>15</sup> Niñiy miñ bap diy, kaw, siypsiyp gok yuk mis yokiy, maniy dap penpen seniys geyak boñg band gok maniy sek tunğandikiy, <sup>16</sup> biynimb yakir dap maker geyak gok kuyip



angak, “Tap kun gok dand amnimimb. Bapiy korip nup ak gem maker korip rek ma aynimun angak.”

<sup>17</sup> Nuk kun gek, binuk gok gos kiyk amnak; Baybol buk minim tikyak ar ak. Minim kun ak tikiy angyak, “Angnep korip nand ak gos nokom ninbiyn rek, yip timey giningiy rek ayip angyak.”

<sup>18</sup> Pen Jiwda biyomb gunap apiy, Jiysis nup angyak, “Nip an angamb ap kun girapan? Gor nep angek ap girapiyn angyi, tap mageprek bap gey ninjiy, ninind apan angun angyak.”

<sup>19</sup> Kun angey, Jiysis kuyip pen angak, “Lotiw korip biy timbrikem, nin ominal nokom mindiy tip ak giningayn angak.”

<sup>20</sup> Kun angek angyak, “Korip kun biy, simiy nin ominal jiwek, gi diyak ak pen; nand nin ominal nokom nep gaynimin rek mindip?” <sup>21</sup> Pen Jiysis korip minim angak kun ak, nuk key angak. <sup>22</sup> Kun ak mey, kisen nup nangbirik ayey kumiy, nin ominal nokom mindiy tikjakek, binuk gok Baybol buk minim nup angyi tikyak ak sek, Jiysis minim angak kun ak sek gos ninjiy, ninind angyi ninjak.

### *Jiysis Biynimb Gok Manjiysek Ninimb*

<sup>23</sup> Jiysis, Jiwda nin yomb kiyk Pasopa apay kun ak Jerusalem mindiy, tap mageprek gunap gakni, biynimb gok ninjiy, ak Kiy yomb key yimb kond mindyingipun ak nep angyi ninjak. <sup>24-25</sup> Pen Jiysis biynimb manjiysek gos namb kuyip biyan key ninrep gip rek, biynimb kun gok gosimb kiyk ar akay amnak ak, ninrep gak ak mey; nuk kuyip biynimb yand yipund giy angyi ma ninjak.

### 3

#### *Jiysis Niykodiymas Nup Angñirep Gak*

<sup>1</sup> Bi Peresiy bap Jiwda kanjsol mindyngip ak; yimb nuk Niykodiymas. <sup>2</sup> Nuk kisyimken am Jiysis nup niñiy angak, “Tiysa. Chin niñbun: tap mageprek gipan gok nak key ma gipnap; Gor nep nip yokek apiy mey, tap mageprek kun gok giying, chinup minim angñiyiing gipan angak.”

<sup>3</sup> Angek, Jiysis angak, “Yand nip niñind yimb aspiyn; biynimb Gor gek key kisenimb aypay gok nep, nuk diy kond mindeningamb angak.”

<sup>4</sup> Kun angek, Niykodiymas angak, “Yergiy biynimb tikayey yomb gipay gok, nonim kongiy namb okok tip ak amey, tikayey, biynimb key kisenimb ayningambay?”

<sup>5</sup> Angek, Jiysis angak, “Nip niñind yimb aspiyn. Biynimb ñing ak sek, Gor Kawnan ak sek gek, Gor biynimb nuk mindpay gok nep, biynimb yand angiy diy kond mindeningamb. <sup>6</sup> Biynimb tikpay rek tikey mindpay ak pen; Gor Kawnan ak gek nep mey, Gor biynimb nuk mindeningambay.

<sup>7</sup> Kun ak minim kim kisenimb angambiyn ak niñiy, gos okok ma niñnimin. <sup>8</sup> Yingen ak damb niñbim ak pen; wip okok sek, amimb okok sek ma niñbim. Kun ak rek mey, biynimb Gor Kawnan bak ayek, kim kisenimb aypay gok angak.”

<sup>9</sup> Kun angek, Niykodiymas angak, “Nand aspan ar kun ak, yergiy giningamb angak.”

<sup>10</sup> Angek, Jiysis angak, “Nand Yisrel biynimb lotiw tiysa yomb kiyk ak pen, ma niñban? <sup>11</sup> Nip niñind yimb aspiyn: chin windin key niñiy, niñrep giy nep nimbip angñimbun ak pen; minim

chinup ak ma dipim. <sup>12</sup> Yand nip man ar biy gip rek angen, ma dipan ak, yergiy Gor miñmon biyon gip rek angen diniᅅgamban? <sup>13</sup> Pen biynimb bap Gor miñmon biyon ma taᅅ niᅅbay; Bi bap Ñinuk nep kun biyon nimb mindiy owak. <sup>14</sup> Pen wosrey siyᅅ timey gok, Yisrel biynimb kuyip siwey kumyakniᅅ, Mosis tap siyᅅ rek bap mon bak siᅅbiyon gayek, biynimb siyᅅ kun ak niᅅyak gok, kuyip suᅅ ayak. Kun ak rek nep, Bi bap Ñinuk nup mon kiros bak biyon ñaᅅgbirik ayey, <sup>15</sup> biynimb nup gosimb niᅅniᅅgambay gok, perper mindeniᅅgambay. <sup>16</sup> Gor biynimb mankumb biy maᅅgiyseᅅ wasemb ay, Ñinuk nokom yimb ak kuyip nen aᅅgiy yokek owak ak mey; biynimb nup gosimb niᅅniᅅgambay gok, kumiy ma kurginiᅅgambay; nuk yip perper mindeniᅅgambay. <sup>17</sup> Yenen: Gor Ñinuk nup yokak kun ak, biynimb gok kuyip, kor ginimuᅅ aᅅgiy ma yokak; yip ker dinimuᅅ aᅅgiy yokak.

<sup>18</sup> “Biynimb an Ñinuk nup gosimb niᅅbay gok, kor ma niᅅniᅅgambay. Pen biynimb nup gosimb ma niᅅiy kirpay gok, minim yomb yimb ak mindip. <sup>19</sup> Minim yomb yimb diniᅅgambay junj kun ak, kun giy mindip: Melik tep ak man ar biy wip ak pen; biynimb gok Melik kun ak ker amnun aᅅgey, kuyip tep ma gip. Kiyk timey gi mindipay rek, kisyim wip okok nep niᅅey tep gip. <sup>20</sup> Bi meliksek ak nup niᅅey tep ma gek, timey gipun ak misen niᅅniᅅgambay aᅅgiy, nup ker ma opay. <sup>21</sup> Pen biynimb yipund gip ar ak gipay gok, Gor aᅅgip rek gispun ak, misen niᅅep rek ayaᅅ aᅅgiy, Melik mindip kiᅅniᅅ siᅅak opay aᅅgak.”

*Jon Nuk Jiysis Bi Yerip Rek Ak Anġiy Minim Anġak*

<sup>22</sup> Kisen Jiysis, binuk gok yip am Jiwdiya propens namb okok mindiy, biynimb gok kuyip ñiņg pikñiyiņgipay. <sup>23</sup> Pen ñin namb kun siņak, Jon bi ñiņg pikñemb ak kunep, miñmon Yinon yep miñmon Salyim ñiņg kuņay mindek siņak mindiy; biynimb gok wiyakniņ, kuyip ñiņg pikñiyiņgip. <sup>24</sup> Jon nind kun giyiņgip; kisen mey nup kalambis ayak. <sup>25</sup> Pen Jiwda bi bap apiy, Jiwda miñ ar kiyk ñiņg pikyiņgipay minim ar ak anġiy, Jon binuk gunap yip penpen anġyak. <sup>26</sup> Penpen anġiy, Jon binuk gok apiy nup anġyak, “Tiysa. Bi siņok Joden ñiņg gol kind bindoņ mindek, nup biyomb anġenak ak, miñiy ap ñiņg pikñakniņ, biynimb maņgiysek nup ker amjipay anġyak.”

<sup>27</sup> Kun anġeyak, Jon anġak, “Gor gos nuk key niņimb rek, chinup woņg ar keykey anġayip. <sup>28</sup> Nimb key niņbim; nimbip anġnik, ‘Yand Kiņy yomb key yimb ak mer; yikop kinjeņ nup ak, Gor anġek pindsipiyn anġnik.’ <sup>29</sup> Bi gok biyn dipay ñin ak, buņgiy kiyk yimb gok, ‘Biyn kun ak chin rek ma dipun anġiy’ gos ak ma niņbay. ‘Buņgiy chin ak, biyn nuk ak pisnep dip anġiy,’ miñmiñ yimb gipay. Yand mey kun ak rek. Nuk biynimb gok kuyip kun giy disap ak, yip tep gip. <sup>30</sup> Yimb nup aranakniņ, yimb yip apyowniņgamb ak, tep yimb.

<sup>31</sup> “Bi semb biyoņ nimb wip ak, Biyomb yimb. Biynimb man ar biy nimb gok, semb biyoņ nimb apiy rek, minim yipul yimb nuk niņiy anġip rek anġniņgiy. Kiyk lum ar biy nimb ak mey; lum ar biy minim ak anġniņgambay. <sup>32</sup> Nuk Nop yip

mindiy wak rek, minim yipul yimb ak aŋgip ak pen; minim nup ak ma dipay. <sup>33</sup> Pen biynimb minim nup dipay gok, Gor minim ak niŋind nep aŋgip aŋgiy dipay. <sup>34</sup> Gor bi yokak kun ak nup, Kawnan nuk ak yokek ap yip nep mindip ak mey; minim aŋgñimb ak, Gor minim yipund giy ak aŋgñimb. <sup>35</sup> Nop Ñinuk nup wasemb ay, tap okok maŋgiysek kond mindonimuŋ aŋgiy, di ñin ar nup ak ayip. <sup>36</sup> Biynimb an Ñinuk nup gosimb niŋniŋgambay gok gek, perper mindeniŋgambay; pen biynimb nup kirginiŋgambay gok kuyip gek, miker diyiŋg nep mindeniŋgambay aŋgak.”

## 4

### *Jiysis Samariya Biyn Anup Minim Aŋgñak*

<sup>1</sup> Pen bi Peresiy gok niŋyak; biynimb kuŋaynep, Jiysis ker mindon aŋgiy, apey kuyip ñiŋg pikñak; pen Jon ker, biynimb gunap nep apey kuyip ñiŋg pikñak. <sup>2</sup> Pen Jiysis nuk key kuyip ñiŋg ma pikñak; binuk gok nep, biynimb gok kuyip ñiŋg pikñiyak. <sup>3-4</sup> Pen Peresiy kay minim kun ak rek aŋgeyak niŋiy, Jiysis Jiwdiya kirgiy, andkind Galiyliy amniŋg, Samariya biynimb mindeyak namb ak amiy, <sup>5</sup> miñmon Siyka amjakak. Miñmon Siyka maŋ kun siŋak mey, Jekop nind ñinuk Josep nup mankumb bap aŋgak. <sup>6</sup> Pen Jekop ñiŋg kaw dak ak mindek ak mey, Jiysis apek apek, pumbnamb yomb yoŋ won ak yiruk gek, am ñiŋg kawrumb gol kun ak bisgak.

<sup>7-8</sup> Pen binuk gok, keñmaŋgiy tawniŋg miñmon Siyka maŋ kun ak amniyakniŋ, nuk nep bisniŋg mindek. Kun giy bisniŋg mindakniŋ, biyn

Samariya nimb bap ñiṅ malniṅ apek, Jiysis aṅgak, “Yip ñiṅ mal ñey ñiṅiyn aṅgak.” <sup>9</sup> Aṅgek, biyn kun ak aṅgak, “Nimb Jiwda biynimb, chinup Samariya biynimb niṅiy asikrep gipim ak pen, yergiy yip ñiṅ mal ñey ñiṅiyn aṅgiy aspan?”

<sup>10</sup> Kun aṅgek, Jiysis aṅgak, “Nand Gor Bi yokek miñiy ap minim asap biy nup niṅbinap rek, nup ñiṅ ñimbiy perper mindeniṅgambay ak aṅgniṅembnap, nip ñimbikop aṅgak.”

<sup>11</sup> Aṅgek aṅgak, “Bi. Ñiṅ malep tiyn nand bap ma mindiy, ñiṅ ak kunep yiy akyan mindip. Kun ak, ñiṅ ñimbiy perper mindeniṅgambay kun ak, akay nimb diniṅgamban? <sup>12</sup> Basind yes chin Jekop tikayep biynimb nuk gok sek, kanj siypsiyp nuk gok sek ñimbyiṅipay ak mey; chinup aṅgek ñimbun. Pen aspan kun ak, yand biyomb Jekop bi sikoy aṅgiy aspan?”

<sup>13</sup> Aṅgek, Jiysis aṅgak, “Biynimb ñiṅ biy ñiṅniṅgambay gok, tip ak ñiṅ nen giniṅgamb; <sup>14</sup> pen biynimb ñiṅ yand ñen ñiṅniṅgambay gok, tip ak ñiṅ nen ma giniṅgamb. Pen ñiṅ yand ñen ñimb namb kiyk biyan ayniṅgambay kun ak, ñiṅ kilam rek jiwyiṅ, kuyip gek perper mindeniṅgambay aṅgak.”

<sup>15</sup> Kun aṅgek, biyn kun ak aṅgak, “Yip ñiṅ kun ak ñey ñimben, kisen yip ñiṅ nen ma ginimun. Pen ap ñiṅ biy ma malnim aṅgak.”

<sup>16</sup> Aṅgek, Jiysis aṅgak, “Am nanṅumiy nup poṅind owan aṅgak.”

<sup>17</sup> Aṅgek aṅgak, “Yand bi sek mer aṅgak.”

Aṅgek, Jiysis aṅgak, “Minim kun ak niṅind aspan. <sup>18</sup> Bi onep mamind ak dinak ak pen; bi

miñiy yip mindpiyr ak, nanğumiy mer. Kun ak niñind aspan anğak.”

<sup>19</sup> Kun anğek, biyn ak anğak, “Yand niñbiyn; nand bi Gor minim anğep bap. <sup>20</sup> Apis basind chin wosrey gok, dum biy Gor nup lotiw giyিংgipay rek, chin kunep lotiw gi mindpun ak pen; nimb Jiwda kay, Jerusalem nep lotiw giniñgiy apim anğak.”

<sup>21</sup> Anğek anğak, “Nip niñind yimb aspiyn. Kisen dum kun biy akan, Jerusalem nep lotiw ma giniñgambim. <sup>22</sup> Nimb Samariya biynimb, bi anğniñbim ak nup ma niñbim. Bi biynimb tunğasik dep kun ak Jiwda nimb ak mey, chin Jiwda gok niñbun. <sup>23</sup> Ñin per kond mindyিংgipun ak miñiy wip. Biynimb Gor nup lotiw niñind yimb giniñgambay gok, Kawnan nuk ak gos ñakniñ giniñgambay ak mey; kuyip niñek tep giniñgamb. <sup>24</sup> Nuk Kawnan ak mey; biynimb nup lotiw giniñgambay gok, Kawnan nuk ak yip mindiy, gos tep ñakniñ lotiw niñind yimb ar ak giniñgambay anğak.”

<sup>25</sup> Jiysis kun anğek, biyn ak anğak, “Yand niñbiyn; kisen Kiyñ yomb key yimb “Krays” apay ak apiy, chinup anğñirep giniñgamb anğak.”

<sup>26</sup> Anğek, Jiysis anğak, “Bi kun ak mey yand. Nand yip minim aspur biy anğak.”

<sup>27</sup> Kun anğakniñ, binuk gok kiyk apchakiy, Jiysis biyn ak yip minim anğ minderik niñiy, jiwdiyak. Pen kiyk bap tikjakiy, biyn anup minim nand yerip mindip anğiy, ma anğniñyak. Jiysis nup kunep, yenen biyn kun biy yip minim aspiyr anğiy ma anğniñyak.

<sup>28</sup> Pen biyn ak, ñiņg tiyn ak kirgiy, tip ak andkind dawin amiy, biynimb mindeyak kun okok kuyip angak, <sup>29</sup> “Apiy, tap okok mangiysek gipiy rek aņgñimb bi ak niņim! Nuk Kiyn yomb key yimb ak rek ayip angak.” <sup>30</sup> Kun angek, biynimb kun gok Jiysis nup niņning dawin ak kirgiy, saņdiyak.

<sup>31</sup> Ma wiyak won ak Jiysis binuk gok, nup nem-bnemb giy angyak, “Tiysa. Tap ñiņan angyak.” <sup>32</sup> Angey, nuk angak, “Tap ñiņemb yand per ñimbiyn ak nimb ma niņbim angak.” <sup>33</sup> Kun angek, binuk gok kiyk keynep aņgniņ aņgniņ giy angyak, “Biynimb gunap nup tap keñmanģiy dap ñey ñimbamb?”

<sup>34</sup> Pen Jiysis kuyip angak, “Nimbip keñmanģiy nen gip; yip pen tap kun gok nen ma gip. Bapiy minim angak anep gos ayamb, woņg aņgip kun ak gi jiwiy aņgiy niņbiyn. <sup>35</sup> Minim bap apun, miñiy wiyt manģiy yoksipun ak takin omiņal omiņal mindiy, manģiy pikgek am tik dand winiņgambun apun ak pen; miñiy kun ma aņjun. Windin nimb ak niņdand pandikiy niņim! Wiyt woņg gok pikgiy, tik dand owep rek mindip. <sup>36</sup> Kun ak mey per gep rek, biynimb man piņiypaņgiy wiyt manģiy yokpay gok sek, tik dand opay gok sek tap ñiņemb dipay ak niņiy miñmiñ gipay. <sup>37</sup> Pen minim bap: bi bap tap yiņ yokniņgamb; bi bap tap ñiņemb kun ak diniņgamb apay. Minim kun ak niņind apay. <sup>38</sup> Nimbip angyoken, am wiyt manģiy tik dand opim. Pen wiyt woņg kun ak nimbik ma gipik; biynimb gunap kilis kiyk ak gey jakek, nimb yikop tik dand opim angak.”



<sup>39</sup> Biyn Samariya nimb ak, am biynimb nuk gok kuyip angak, “Bi kun ak tap yeripyerip gipiyn gok mangiysek angnimb angak.” Kun angek kiyk, ak Biyomb chinup biynimb pisnep kumjun rek ayip gok, kim diningamb angy; nup gosimb niñyak.

<sup>40</sup> Pen Samariya biynimb Jiysis mindek ak apiy, nup angyak, “Ñin gunap chin yip mindey angey,” am ñin omiñal kiy yip mindyng, <sup>41</sup> minim angnnek, biynimb tapin gunap sek nup gosimb niñyak. <sup>42</sup> Pen biyn kun anup angyak, “Miñiy minim nak anep angey ma niñbun; minim nuk ak key angek niñbun: nuk nep mey; bi chinup biynimb miñmon keykey di Nop yip jimñiy ayningamb ak niñiy, nup gosimb niñbun angyak.”

### *Jiysis Biyomb Bap Ñinuk Anup Gek Sun Ayak*

<sup>43</sup> Jiysis ñin omiñal Samariya miñmon sikoy kun ak mindiy, minek ak kuyip kirgiy, Galiyliy propens amnak. <sup>44</sup> Nind minim bap angy angak, “Bi Gor minim angep gok, miñmon kiyk key ak mindiy angey, kuyip ma dipay angak.” <sup>45</sup> Pen Pasopa ñin ak, Galiyliy biynimb gunap am Jerusalem mindeyak, Jiysis tap mageprek gok gek niñyak ak mey, Galiyliy apchakek niñiy, nup miñmiñ giyak.

<sup>46</sup> Pen Jiysis Galiyliy amiy, miñmon sikoy Keyna amnak. Miñmon kun ak mey, nind ñing yimb ak gek wayn ayak.

Pen biyomb miñmon Kapaniyam nimb bap, ñinuk nup tap gek, <sup>47</sup> minim bap niñak; Jiysis Jiwdiya kirgiy, ap Galiyliy mindek. Kun ak niñiy mey, mindek ak apiy, nembnemb giyng angak,

“Ñiyand ak tap giy kumning gisap. Nand kasek amiy, nup gey suñ ayañ angak.”

<sup>48</sup> Kun angek, Jiysis angak, “Yip yikop ma gosimb niñningambim; tap mageprek gunap gen niñy nep, yip gosimb niñningambim angak.”

<sup>49</sup> Pen biyomb kun ak angak, “Biyomb! Apey amnur! Mer ak; ñiyand ak kumningamb angak.”

<sup>50</sup> Angek, Jiysis angak, “Amnoñ! Ñinak mindeningamb angak.”

Kun angek, niñind angip angiy san dak.  
<sup>51</sup> Kinjen namb okok amnakniñ, bi nup won g giyngipay gunap ap, nup namb pikiy angyak, “Ñinak ak ma kumningamb; mindeningamb angyak.”

<sup>52</sup> Kun angey, won akay rek suñ ayip angiy, kuyip angnjek angyak, “Toyrik pumb kuyim gak won ak angyak.”

<sup>53</sup> Kun angey, nuk niñak: ñinak mindeningamb angak won anep suñ ayak ak mey, biynimb nuk gok yip, Jiysis nup gosimb niñyak.

<sup>54</sup> Pen Jiysis nind Keyna apiy, ñing ak gek wayn ayak; kisen pen am miñmon Jiwdiya mindiy apiy, biyomb ak ñinuk nup gek suñ ayak. Kun gek nup bi yerip rek ak misen yimb niñningiy rek ayak.

## 5

### *Jiysis Gek Bi Ñing Manjiy Chemb Gol Mindek Ak Suñ Ayak*

<sup>1</sup> Kisen pen, Jiwda lotiw ñin yomb bap apek, Jiysis Jerusalem amnak. <sup>2</sup> Jerusalem kinjenram kanj siypsiyp dand amiy apiy giyngipay gol siñak;

ñiᅇg maᅇgiy chemb won bap mindek. Ñiᅇg maᅇgiy chemb won kun ak Hiybriw minim aᅇgiy, Betsayda aᅇgiyᅇgipay. Pen ñiᅇg gol kun siᅇak, korip sikoy band onep mamind ak mindek ak mey, <sup>3</sup> biynimb tap gak gunap, windin koy gak gunap, ñin tomb kalaw gak gunap ap, korip band kun gok mindeyak. <sup>4</sup> Yenen: Gor enjol bap gip rek, apiy am ñiᅇg maᅇgiy chemb biyaᅇ kaskas gakniᅇ, nind amiy maᅇgiysek tawon amek, chinup suᅇ aᅇniᅇgamb aᅇgiy ap mindeyak. <sup>5</sup> Pen bi tap gek pernep kum mindek, simiy yin ñin jiwiy, andikiy anjip piskind ak amnak bap mindek. <sup>6</sup> Jiysis bi kun ak per kum mindyiᅇgip rek, nup aᅇniᅇgiy aᅇgak, “Nip suᅇ aᅇnimuᅇ aᅇgiy niᅇban?”

<sup>7</sup> Aᅇgek, bi tap gak kun ak aᅇgak, “Biyomb! Ñiᅇg ak kaskas gakniᅇ, biynimb yip diy, ñiᅇg maᅇgiy chemb namb biyaᅇ aᅇniᅇgiy bap ma mindpay. Ñiᅇg namb biyaᅇ nind amniyᅇ aᅇgen; biynimb gunap kasek nind nep ambay aᅇgak.”

<sup>8</sup> Kun aᅇgek, Jiysis aᅇgak, “Tikjakiy, minj nak ak winiᅇg dand sanᅇan aᅇgak.” <sup>9</sup> Aᅇgek, won kun anep nup suᅇ ayakniᅇ, minj nuk ak winiᅇg dand amnak. <sup>10</sup> Pen Jiysis bi gek suᅇ ayak ñin kun ak, Jiwda lotiw ñin ak mey, biyomb kiyk gok, bi kun ak nup aᅇgyak, “Ñin biy lotiw ñin ak, yenen minj band ak dand taspan?”

<sup>11</sup> Aᅇgey aᅇgak, “Bi yip gek suᅇ ayip ak aᅇgip, ‘Tikjakiy minj band nak ak winiᅇg dand amnon aᅇgamb,’ dand taspiyᅇ aᅇgak.” <sup>12</sup> Aᅇgek aᅇgyak, “Bi nip aᅇgek, minj band winiᅇg dand taspan kun ak mey akay aᅇgyak.” <sup>13</sup> Pen Jiysis biynimb kuᅇay mindeyak namb kun okok kapkap amnak rek, bi

yip gek sun ayip mey biy angyi, angnimun rek ma ayak.

<sup>14</sup> Kisen pen, Jiysis bi kun anup, Gor angninep korip mingan ak ninjiy angak, “Niñan! Nip sun ayip. Kun ak tap siy tap timey gipan ak kirginimin. Mer ak, nip tap yomb yimb ginimun rek ayip angak.”

<sup>15</sup> Pen bi kun ak nuk andkind amiy, Jiwda biyomb gok kuyip angak, “Jiysis nep yip gamb sun ayip angak.” <sup>16</sup> Kun angek ninjiy, lotiw ñin ak gek sun ayak angyi, Jiysis nup miluk ninjak. <sup>17</sup> Nuk pen angak, “Bapiy yand ak wonj ginep mindip rek, yand kunep ginim angak.” <sup>18</sup> Kun angek, Jiwda biyomb gok, nup nind ñanjjun angyi gos ninjak ak, kilis yimb giy ninjak. “Lotiw ñin chinup low ar ak nep ma timbrikip; yand Gor Ñinuk angyi ak, Gor mindip rek mindpiyn angyi asap angyak.”

### *Nop Angek Ñinuk Wonj Ar Keykey Gip*

<sup>19</sup> Jiysis pen kuyip angak, “Nimbip ninind aspiyn: Ñi ak nuk key tap bap ginimun rek ma ayip; Nop tap giningamb gok nep ninjiy giningamb. Kun ak, Nop giningamb rek, Ñinuk kunep giningamb. <sup>20</sup> Nop Ñinuk nup wasemb ay, tap nuk gip gip gok mangiysek yomimb. Gunap yomek mey, tap key yimb gok gek ninjiy, nimb mangiysek wal angningambim. <sup>21</sup> Pen Nop biynimb kumbay gok, gek tikjakpay rek, Ñinuk kunep, biynimb gunap gen tikjakyang angyi, gek tikjakningambay. <sup>22</sup> Biynimb yerer gipay; gos yerip yerip ninbay ak, Nop key kuyip ma bilokip; Ñinuk nup angek

bilokip. <sup>23</sup> Kun ak mey, Nop yimb ak dand araniy, Ñinuk nup yimb ak dand araniy giningiy. Pen biynimb Ñinuk anup yimb ma dand aranimbay gok, Nop yokek owak anup yimb ak kunep, ma dand aranimbay.

<sup>24</sup> “Nimbip niñind yimb aspiyn. Biynimb minim yip ak niñiy, Bi yip angyokek winik anup, gosimb niñningambay gok, kumemb kind ak kir-giy, perper mindep kind ak mindpay. Kun ak mey, kor yomb ak ma niñningambay; perper mindeningambay. <sup>25</sup> Nimbip niñind yimb aspiyn. Ñin kisen per kond mindpun ak miñiy wip biy, biynimb kumningiy rek mindpay gok, Gor Ñinuk minim ak niñey, kuyip dek, biynimb nuk mindeningambay. <sup>26</sup> Nop tap okok mangyisek kim mindep kiñiñ ak mindip rek, Ñinuk kunep kim mindep kiñiñ ak mindip. <sup>27</sup> Nuk Bi bap Ñinuk ak mey; Nop angek biynimb gok kuyip bilokningamb. <sup>28</sup> Minim aspiyn kun ak niñiy wal ma angnimimb; kisen nuk, biynimb kumey komyak gok angek, <sup>29</sup> mangyisek tikjakiy; biynimb mindrep giyngipay gok, am Gor yip mindeningambay; pen mindrep ma giyngipay gok, miker yomb dinengambay. <sup>30</sup> Yand yerip yerip gipiyn ak, key niñiy ma gipiyn; Bapiy nep yip anğamb gipiyn. Kun ak biynimb bilokpiyn ak, Bapiy anğip rek niñiy, yipund giy nep bilokpiyn. Key niñiy gen, bilokrep ma gip apkip ak pen; Bi yip angek winik ak, gos nuk ñimb rek niñiy gipiyn.

*Yip Bi Yerip Rek Anğiy Ma Niñbim Anğak*

31-32 “Yand nep Gor yip yokek winik apnip ak, yipund ma gipkop. Pen yand niñbiyn: Bi yip yokek winik ak, minim nuk anġip ak, niñind yimb nep anġip. <sup>33</sup> Nimb Jiwda kay am Jon nup, yip bi yerip rek anġiy anġniñem, minim yipul yimb ak nimbip anġñak. <sup>34-35</sup> Gor anġyokek awak ak mey; lam yin tep gip rek ak anġak. Melik kun ak niñiy, miñmiñ gipik ak pen, won ak kirpik. Yand niñen, Jon akan biynimb gunap minim anġningambay ak, minim yomb mer ak pen; minim yand apiyn ak niñrep giy, Gor nup chingem, miker yomb ak nimbip ma dinimuñ anġiy aspiyn.

<sup>36</sup> “Jon nimbip anġrep gak ak pen; ak yikop minim nep anġak. Yand apiy, Bapiy ginimin anġak rek, tap key yimb gok gipiyn ak mey; nuk yip yokak ak niñun anġiy, misen yimb niñbikip. <sup>37-38</sup> Pen Bapiy yip yokak ak, yip anġiy minim anġip ak pen; minim nup ma diy, yip gosimb ma niñbim. Kun ak minim nup ak ma niñiy, nup Bi yerip rek ak ma niñiy gipim.

<sup>39-40</sup> “Nimb perper mindenjun anġiy, Baybol buk day nind tikyak gok niñrep gun anġiy, per niñbim ak, tep gipim ak pen; yip anġiy tikyak rek niñiy, yip ker apem, nimbip gen suñ-tep mindiy perper ma mindeningambim. <sup>41</sup> “Biynimb gok yimb yip dand araniyan anġiy ma aspiyn; <sup>42</sup> Gor nup gosimb ma niñbim ak niñiy aspiyn. <sup>43</sup> Bapiy nep yip anġek opiyn ak pen, yip ma dipim. Pen bi kisen bap gos nuk key niñiy apeningamb, nup diningambim. <sup>44</sup> Biynimb gok chinup niñey tep ginimuñ anġiy nep niñbim; Biyomb yimb ak chinup niñek tep ginimuñ anġiy, gos ak ma

niñbim. Kun ak yergiy nup gosimb niñem, nimbip diniñgamb?

<sup>45</sup> “Pen Nop Ñinuk minim ak diy, chinup kor giniñgamb añgiy gos ak ma niñnimimb. Mosis añgiy tikak rek nep giniñgambun apim ak pen; minim aňgak kun ak diy, nimbip kor giniñgamb.

<sup>46</sup> Pen Mosis Baybol buk minim tikak gunap ma dipik rek; minim yip aňgak ak sesek ma dipik.

<sup>47</sup> Minim nup ak diy rek, minim yip ak kunep dipkip aňgak.”

## 6

*Jiysis Bi Payp Tawsin Rek Tap Keñmañgiy Ñek Ñiyak*

*(Mat 14:13-21; Mak 6:30-44; Luk 9:10-17)*

<sup>1</sup> Pen Jiysis kun giy mindiy, bot diy Galiyliy chemb tikiy, pis bindoñ amnak. Galiyliy chemb kun ak nep, yimb bap Taybiyriyas aňgyiñgipay.

<sup>2-6</sup> Pen nuk biynimb gok gek, suñ ayek niñyak rek, biynimb kuñaynep nup kisen giyiñgipay. Ñin namb kun ak, Jiwda ñin yomb Pasopa apay ak mañ mañ gak rek, biynimb kuñaynep miñmon namb kun ak tañgeyak. Kun ak niñiy, Jiysis binuk gok yip am dum bap, bisiñg mindyiñg niñak; biynimb kuñay yimb nep nup niñning apeyak. Niñiy, yerer giniñgamb ak key niñak ak pen; binuk Piyliyp yerip aňgniñgamb añgiy, nup aňgak, “Chin keñmañgiy akay nimb diy, biynimb guniy kuyip ñon ñiñningambay aňgak.”

<sup>7</sup> Aňgek, Piyliyp aňgak, “Tiw handret kiyna rek dand amiy, biret taw dand apiy, tipañg siskoy

giy, maŋgiysek ñey ñiŋningiy rek ma ayniŋgamb aŋgak.”

<sup>8</sup> Kun aŋgek, Saymon Piyta numam Enjriw aŋgak, <sup>9</sup> “Ñiskoy bap, bired onep mamind ak, piys omiŋal sek di mindip biy ak pen, ak tap yomb mer aŋgak.”

<sup>10</sup> Aŋgek, Jiysis aŋgak, “Biynimb gok aŋgem, bisgiyaŋ aŋgak.” Kun aŋgek, binuk gok biynimb gok kuyip aŋgeyak, tap kaskas ar kun okok bisgiyak. Biynimb kuŋaynep kun gok, bi gok nep, payp tawsin rek amnak.

<sup>11</sup> Kiyk kun giy bisgiyakniŋ, Jiysis bired ak diy, Gor nup tep aŋgiy, kuyip bilok ñak. Piys ak kunep gak. Kuyip kun giy bilok ñek, ñimbey ñimbey tapin ayek, day gok kirgiyak. <sup>12</sup> Kun gey, binuk gok kuyip aŋgak, “Tap ñimbey kirpay gok, dand doŋwiy ma gep aŋgak.” <sup>13</sup> Aŋgek, binuk gok yipruŋ wand yiŋgey yiŋgey, wand onep wimiŋgan ak arachakak.

<sup>14</sup> Biynimb gok tap mageprek gak kun ak niŋiy aŋgyak, “Chin miñiy niŋbun; bi biy mey, bi Gor minim aŋgep mankumb biy wiŋiŋgamb aŋgiy, per apun ak aŋgyak.” <sup>15</sup> Pen Jiysis niŋak; biynimb gok nup ap kilis giy, kiyaŋ chin minden aŋŋiŋgambay ak niŋiy, nuk tip ak am, yirik okok key asiy mindek.

*Jiysis Ñiŋg Kas Ar Ak Tawind Amnak*  
(*Mat 14:22-23; Mak 6:45-52*)

<sup>16</sup> Pen duŋgep won ak, Jiysis binuk gok tip ak Kapaniyam amniŋ, am ñiŋg chemb biyaŋ amiy, <sup>17</sup> Jiysis apek amnun aŋgiy, kond mind gey gey kisyim apek, kiyk nep bot diy saŋdiyak.



<sup>18</sup> Amniyakniḡ, pinim yomb diy, ñiḡ ak paḡgak.  
<sup>19</sup> Pen tapin nep pul gi dand ñiḡ namb siḡak  
 amyiḡ niḡyak; Jiysis ñiḡ kas ar ak tawind  
 kiñiḡ kun siḡak apchakek, niḡiy pirikeyak aḡgak,  
<sup>20</sup> “Ma piriknimimb! Ak yand nep aḡgak.” <sup>21</sup> Kun  
 aḡgek, ma pirikey, nup bot miḡgan aḡgey am-  
 nakniḡ, miñmon wikan amniḡ giyak ak am-  
 jakyak.

### *Jiysis Nup Piyow Niḡyak*

<sup>22-23</sup> Minek biynimb gok tip ak Jiysis nup  
 niḡniḡ; Gor nup tep aḡgiy, tap ñek ñiḡyak tip  
 ak amniyak. Amiy, minim bap niḡyak: bot diy  
 wiyak ak, binuk gok nep diy amniyak; Jiysis yip  
 ma amniyak. <sup>24</sup> Pen Jiysis yip ma amniyak rek,  
 nup niḡun aḡgiy, Taybiyriyas nimb bot gunap diy,  
 Kapaniyam amniyak.

### *Jiysis Nup Diy Mey Perper Mindeniḡgambay*

<sup>25</sup> Kapaniyam amjakiy, Jiysis nup niḡiy aḡgyak,  
 “Tiysa. Nand won akay biy opan?” <sup>26</sup> Aḡgey  
 aḡgak, “Nimbip niḡind aspiyn. Keñmaḡgiy ñen,  
 ñimb mer niḡiy kirgipim rek, yip tip piyow  
 taspim; pen tap mageprek gipiyn minim junj  
 ak ma niḡbim. <sup>27</sup> Tap ñimbiy per ma min-  
 deniḡgambim gok piyow niḡraspim ak kirgiy, Bi  
 bap Niḡuk nimbip gek perper mindeniḡgambim  
 ak niḡiy, ar kun ak amnimimb. Bapiy Gor Bi kun  
 ak nup, bi yand yimb aḡgiy yip mindek mey, tap  
 mageprek ak gek niḡbik aḡgak.”

<sup>28</sup> Kun aḡgek aḡgyak, “Perper mindonjun aḡgiy,  
 Gor gos nuk niḡimb ak, nup yergiy rek direp  
 ginjun aḡgyak.”

29 Anḡeyak, Jiysis anḡak, “Gor nup tep giniḡgamb ak mey, Binuk yokek wak ak, Gor nep yokek awak anḡiy, nup gosimb niḡniḡgambim anḡak.”

30 Kun anḡek anḡyak, “Chinup tap mageprek bap gey niḡiy, Gor nep nip yokek winak anḡiy niḡjun. Kun ak chinup tap yerip rek giniḡgamban? 31 Apis basind sikop wosrey, miñmon nep namb okok mindiy, tap mana apay ak ñimbyiḡipay. Mosis kuyip gi tep gek, tap mana kun ak di biret rek gay ñimbyiḡipay ak, Baybol buk ak tikiy anḡyak, ‘Kuyip keñmanḡiy semb biyoḡ nimb ak ñek, ñimbyiḡipay anḡyak.’”

32 Kun anḡeyak, Jiysis kuyip anḡak, “Nimbip niḡind yimb aspiyn. Biret semb biyoḡ nimb diy ñiḡyak kun ak, Mosis mer: Bapiy yand ak ñek ñimbyiḡipay. Nuk nep mey; nimbip biret niḡind yimb anup, yokek wip. 33 Biret niḡind yimb yokek wip aspiyn kun ak, Bi semb biyoḡ nimb biy apiy, biynimb gok kuyip gek suḡ-tep mindiy, perper mindeniḡgambay anup aspiyn anḡak.”

34 Jiysis kun anḡek anḡyak, “Biyomb. Biret kun ak chinup ñiḡiyḡ nep mindenimin anḡyak.”

35 Anḡeyak anḡak, “Yand nep mey biret rek; biynimb yip dipay gok perper mindeniḡgambay. Biynimb yip gosimb niḡiy, yip ker winiḡgambay gok, tip ak yiwan rek akan, ñiḡḡ nen rek ma giniḡgamb; mey tep anḡiy niḡniḡgambay. 36 Pen nimbip anḡambiyn rek: yip windin niḡbim ak pen, yip gosimb ma niḡbim. 37 Bapiy biynimb yip anḡniḡgamb gok, yip ker winiḡgambay. Biynimb yip ker winiḡgambay gok, ma yimb

angyokningayn. <sup>38</sup> Yenen: yand semb biyon nimb winik ak, key niñbiyn rek giyn angyi ma winik; Bi yip yokek winik ak, gos nuk niñiy angyip rek, giyn angyi winik. <sup>39</sup> Nup tep giningamb ak mey: biynimb yip angyip gok niñminden, gunap ma kurginingiy; ñin kisen ak apek, mañgiysek gen tip ak tikjakningiy. <sup>40</sup> Bapiy nuk angyip ak, ‘Biynimb gok Ñiyand anup minim ak niñey, nup gosimb niñey mey; kuyip gen perper mindeningambay angyip.’ Kun ak ñin kisen ak apek, kuyip gen tikjakningambay angak.”

<sup>41</sup> Pen Jiysis minim kun angying, yand nep mey, biret semb biyon nimb wip ak angek, <sup>42</sup> Jiwda biynimb gok pemiy angyi angyak, “Bi biy Josep ñinuk Jiysis nep rek? Nop nonim nuk ak chin niñbun. Kun ak yergiy pen, semb biyon nimb opiyn angyip?”

<sup>43</sup> Kun angeyak, nuk pen angak, “Pemiy ma angnimimb. <sup>44</sup> Biynimb bap gos peying yip ker ma winingambay; Bapiy gos tep ñek nep mey, yip ker apey, ñin kisen ak kuyip gen tip ak tikjakningambay. <sup>45</sup> Baybol buk ak tikiy angyak, ‘Gor biynimb mañgiysek nimbiip gok kuyip gos ñiningamb angyak.’ Biynimb gos nuk nimb rek niñbay gok mañgiysek, yip ker opay. <sup>46</sup> Biynimb gunap Bapiy Gor nup windin ma niñbay; Bi yokek wip anep nup niñimb. <sup>47</sup> Nimbiip niñind yimb apiyn; biynimb yip gosimb niñningambay gok, perper mindeningambay. <sup>48</sup> Kun ak yand mey, biret ñimbiy kim mindeningambay ak. <sup>49</sup> Nasind napsi sikop wosrey, miñmon nep namb okok mindiy, tap mana ak ñinyak ak pen, yep won

bap mindiy kumyak. <sup>50</sup> Biret Gor yokek owak angyi, yand aspiyn ak; biynimb ñimbiy, perper mindeningambay.

<sup>51</sup> “Yand biret kim mindep semb biyon nimb winik. Biynimb biret kim mindep semb biyon nimb kun ak, ñimb namb biyan ayningambay gok, perper mindeningambay. Pen biynimb gok tap ñimbying nep mindpay. Mumbwak yand ak mey, kun ak rek. Biynimb miñmon okok mangyisek kuyip angyi, mumbwak yand ak Gor nup simbonginginayn ak mey; chinup nen kumimb angyi gosimb niñningambay biynimb gok, perper mindeningambay angak.”

<sup>52</sup> Jiysis kun angek, Jiwda biynimb kiyk keynep penpen angyi, gunap angyak, “Bi biy chinup yergiy, mumbwak nuk ak ñek ñiñningambun?”

<sup>53</sup> Angeyak, Jiysis angak, “Nimbip niñind yimb aspiyn. Biynimb Bi bap Ñinuk kiros bak biyon kumningamb ak, chinup nen kumningamb; likañ nuk yowningamb ak, chinup nen yowningamb angyi, yip di namb kiyk biyan ayningambay gok nep, Gor deningamb perper mindeningambay.

<sup>54</sup> Kun ak biynimb mumbwak likañ yip diningambay gok, perper mindeningiy rek ayningamb. Ñin kisen ak apek, kuyip gen tip ak tikjakiy, perper mindeningambay.

<sup>55</sup> “Kun ak keñmangyi gok, tap yikop ñimbay ak pen; mumbwak yand ak sek, likañ yand ak sek tap yimb. <sup>56</sup> Biynimb mumbwak likañ yip niñind yimb angyi dipay gok, yip chingipay. Yand kuyip pen kunep chingipiyn. <sup>57</sup> Bapiy biynimb gok kim mindeningiy angyi, yip yokek winik ak,

yip nep mindip ak mey, biynimb yip di namb biyan ayniᅅgambay gok kuyip gen, perper mindeniᅅgambay. <sup>58</sup> Minim ar kun ak mey, biret semb biyoᅅ nimb wip apiyn ak. Biret kun ak, basind apis sikop tap mana apay ak ñimbiy, mind dand amiy kumyak rek mer; biynimb biret yand apiyn ak, ñimb namb biyan ayniᅅgambay gok, perper nep mindeniᅅgambay aᅅgak.”

### *Gunap Jiysis Nup Kirgiyak*

<sup>59</sup> Jiysis Kapaniyam nan-gep korip ak mindiy, minim kun ak aᅅgek, <sup>60</sup> biynimb nuk gok kuᅅaynep niᅅiy aᅅyak, “Minim miker gip kun ak, an rek niᅅniᅅgamb aᅅyak.”

<sup>61</sup> Aᅅyak kun ak, Jiysis key niᅅiy aᅅgak, “Minim kun ak anᅅen nimbip tep ma gip?

<sup>62</sup> Pen Bi bap Ñinuk mindiy, owak biyoᅅ tip andkind amnakniᅅ, gos yerip niᅅniᅅgambim?

<sup>63</sup> Mumbwak ak tap yikop; Gor Kawnan ak tap yimb. Minim nimbip apiyn ak, Gor Kawnan ak gos ñek apiyn ak mey; biynimb minim kun ak diniᅅgambay gok, kuyip gek perper mindeniᅅgambay aᅅgak.” <sup>64</sup> Pen Jiysis nuk nind nep: an nup gos niᅅniᅅgamb, an nup gos ma niᅅniᅅgamb, an nup mimuᅅᅅ giniᅅgamb ak niᅅak ak mey, aᅅgak, “Nimb gunap yip ma gosimb niᅅbim aᅅgak.”

<sup>65</sup> Pen minim gunap sek aᅅgiy aᅅgak, “Ar kun ak nep nimbip apiyn; biynimb gos keynep niᅅiy, yip gosimb niᅅniᅅgiy rek ma ayip; Bapiy nep mey, kuyip gos tep ñakniᅅ, yip gosimb niᅅniᅅgambay aᅅgak.”

<sup>66</sup> Jiysis minim kun ak aᅅgjiwakniᅅ, biynimb ap minim nup niᅅyiᅅgipay gok, kuᅅaynep nup kirgiy,

keykey amniyak. <sup>67</sup> Nup kiring ameyak, binuk onep wimingan ak kuyip angninijy angak, “Nimb kunep yip kiring amningambim?”

<sup>68</sup> Angek, Saymon Piyta angak, “Biyomb. An ker amjun? Minim nand apan ak ninijy mey, perper mindeningambun. <sup>69</sup> Nip ninbun: nand Gor Bi sun-tep nuk, chinup yokip anep mindpan angak.”

<sup>70-71</sup> Kun angak, Jiysis pen, Jiwdas Yiskariyot Saymon ñinuk ak, kisen nup mimung giningamb rek ninijy, kuyip angak, “Nimbip onep wimingan ak dipiyn ak pen; nimb bap bi timey Seytan ker mindpim angak.”

## 7

### *Jiysis Numam Nuk Gok Yip*

<sup>1</sup> Kisen pen Jiwda biyomb gok, Jiysis nup ñangning gey ninijy, Jiwdiya propens ma girangyngip; Galiyliy propens nep girangyngip.

<sup>2</sup> Pen Jiwda ñin yomb kiyk, korip bandak band giy miñmiñ giyingipay ak, mañ mañ gakniñ, <sup>3-4</sup> Jiysis numam sikop, nup kunep ma gos niñyak rek, mindek ak apiy angyak, “Nand Biyomb mindpan rek, Jiwdiya amiy, biynimb minim nip ninning winingiy gok, tap mageprek gipan rek gunap gey ninningiy. <sup>5</sup> Biynimb yomb mindning gipay gok, tap kiyk gok weygiy ma gipay; misen yimb gipay. Kun ak nand bi key yimb gipan ak, tap mageprek gunap gey, biynimb mangiysek ninningiy angyak.”

<sup>6</sup> Kun angey, Jiysis kuyip angak, “Ñin monmon gok, ñin nimb ak mey, amning amningambim. Pen Gor yip angayip ñin ak ma wip. <sup>7</sup> Biynimb

Gor nup ma chingpay gok, tap siy tap timey gipim angen niñiy, yip milik niñbay; pen nimbip niñiy milik niñningiy rek ma mindip. <sup>8</sup> Kun ak ñin yomb ak mañ asaw rek, Jerusalem amnimimb; pen ñin yand ak ma wip rek, yand yip ma amningambun angak.” <sup>9</sup> Kun angyiy, nuk Galiyliy mindek.

*Jiysis Ñin Yomb Owakniñ Jerusalem Amnak*

<sup>10</sup> Pen kun angek numam sikop nind amniyak. Kisen nuk amning; misen ma amnak, wey wey giying amnak. <sup>11</sup> Pen Jiwda biyomb gok, Jiysis akay angyiy, biynimb kuñay ap mindeyak gok kuyip angninyak. <sup>12-13</sup> Pen biynimb yikop gok, Jiwda biyomb kun gok kuyip pirikyak rek, minim kapkap angying angyak, “Jiysis bi tep yimb angyak.” Gunap pen angyak, “Mer. Nuk biynimb gok kuyip tom gip sek angyak.”

<sup>14</sup> Ñin yomb kiyk kun ak, yep ñin kaw bap nep mindakniñ, Jiysis apchakiy, Gor angninep korip ak amiy, kuyip minim angnak. <sup>15</sup> Angnak niñiy, Jiwda biyomb gok wal angyiy angyak, “Bi biy sikul ma angak ak pen, yergiy minim okok mañgiysek niñimb angyak.”

<sup>16</sup> Kun angyak ak pen, Jiysis angak, “Minim angnimbiyn gok, yand key niñiy ma apiyn; Bi yip angyokek winik anep gos ñamb apiyn. <sup>17</sup> Biynimb Gor angyip rek gun angyiy gi dand amningambay gok, Gor minim nup akan, minim yand key apiyn ak, kuyip gos ñek niñningambay. <sup>18</sup> Nimb niñbim: biynimb minim kiyk key angningambay gok, yimb chin aranimuñ angyiy, minim okok nimb okok nimb angningambay. Pen Gor bi yokek minim

nup angning wip ak; bi minim yipund giy nep angningamb ak mey; yesek angnimuj rek ma mindip. <sup>19</sup> Mosis, Gor angak angak rek low gunap angnak ak pen; nimb bap low ar kun gok kindik ma gipim. Minim bap mindek mer; yip yikop yimb nangning gispim angak.”

<sup>20</sup> Jiysis kun angek, biynimb ap mindeyak gok angyak, “Nip an nangning gisap. Nip kichekiy amban ayamb aspan?”

<sup>21</sup> Angey, Jiysis angak, “Yand tap mageprek nokom bap genik, nimb mangiysek lotiw nin ak yenen kun gip angyi, jiw dipik. <sup>22-23</sup> Nimb Mosis angak rek, ni gok tikiy, nin onep ar ak mindiy, minek jiy ak kumbak tikpim. Gipim kun ak Mosis nuk mer, nasind yes sikop nind kiñiñ gi gey mey kun gipim. Pen kumbak tikpim kun ak, nin gunap Jiwda lotiw nin ak apek, ma kirpim; monmon kumbak tikpim. Gipim kun ak rek, lotiw nin ak, bi bap nup gen pisnep sun ayak ak; yip yenen miluk ninbim. <sup>24</sup> Kun ak kisen minim ar ar nep ninjiy ma angnimimb; ninrep giy, yipund giningamb ar ak ninjiy angnimimb angak.”

### *Jiysis Mey, Kiyñ Yomb Key Yimb Ak Akan Angyak*

<sup>25</sup> Jerusalem biynimb gunap angyak, “Biyomb gok, bi nangun angyi ninbay ak, mey biy rek ayip? <sup>26</sup> Pen ninjim! Bi kun ak nuk biynimb namb yomb biy minim angakniñ, pen minim bap ma aspay. Kun ak kiyk key, nuk bi kiyñ yomb key yimb ak angyi ninbay rek ayip! <sup>27</sup> Pen bi kiyñ yomb key yimb opkop ak, akay nimb wip angyi ma



ninbinup; bi biy akay nimb wip ak chin mangiysek ninbun angyak.”

<sup>28-29</sup> Pen Jiysis Gor angninep korip miŋgan biyaŋ, minim anŋ nep mindyŋ, meŋg miŋgan dand araniy anŋak, “Nimbik yip ninrep yimb giy, akay nimb winik ak ninbim. Pen yand key ma winik; Bi biynimb anŋdep ak nep yip angyokek winik. Yand nuk yip mindiy, yip angyokek winik rek nup ninbiyn; pen nimbik nup ma ninbim anŋak.”

<sup>30</sup> Kun anŋek, nup chichiy diy dand kor amnun anŋiy ninyak ak pen; Nop Gor nup pikayningambay anŋiy anŋayak ñin ak ma owak rek, biynimb bap nup ma chichiy diyak. <sup>31</sup> Pen biynimb kuŋaynep kun gok, gunap Jiysis bi kiyn yomb key yimb ak anŋiy ninyak. Ninjy angyak, “Bi kiyn yomb key yimb kisen winiŋgamb apay ak, tap mageprek kuŋaynep giy, bi biy nup wiyniym ginimuŋ rek ma ayip angyak.”

### *Jiysis Nup Am Dand Wim Anŋiy, Poliys Gok Kuyip Angyokyak*

<sup>32</sup> Pen biynimb gok, bi kiyn yomb key yimb anup minim kun ak kapkap anŋeyak ninjy, bi Peresiy gok sek, bi Gor nup tap simbonŋep yomb gok sek Jiysis nup am dand winimimb anŋiy, Jiwda poliys gunap angyokyak.

<sup>33</sup> Jiysis pen anŋak, “Yand yep won bap mindiy, Bi yip yokamb opiyn ak ker tip amningayn. <sup>34</sup> Yip akay amimb anŋiy piyowniŋgambim ak pen, ma ninningambim. Yand amningayn ar ak, nimb kisen ginimimb rek ma ayip anŋak.”

<sup>35</sup> Kun angek, Jiwda biyomb gok kiyk keynep angnin angnin giy angyak, “Nuk akay amek, nup ma niñningambun? Nuk am Jiwda biynimb jiw am Griyk mindpay okok amiy, biynimb kun okok kuyip minim angninying mindeningamb nup ma niñningambun? <sup>36</sup> Pen yenen anqip, ‘Yip piyow niñiy ma niñningambim; amningayn ar ak kisen ginimimb rek ma ayip anqip’ angyak.”

*Gor Kawnan Ak Ñing Kilam Rek Jiwiw Winingamb*

<sup>37</sup> Jiwda ñin yomb kiyk kun ak, ñin kisen yimb ak apek, Jiysis tikjakiy, meñg miñgan dand araniy angak, “Biynimb an kuñam kinjik gek, yip ker apiy ñing ñiñningiy. <sup>38</sup> Biynimb yip gosimb niñningambay gok, Baybol buk ak anqip rek, ñing ñimbiy perper mindeningambay ak, namb kuyip biyan kilam jiwiw winingamb angak.” <sup>39</sup> Ñin kun ak, Jiysis kumiy tikjakiy Nop ker ma amek mey, Gor Kawnan nuk ak biynimb gok kuyip ma yokak. Ñing kilam jiwiw winingamb minim angak kun ak; nup gosimb niñey, Gor Kawnan ap kiy yip mindiy, giningamb rek angak.

*Kiyk Key Tunğ Asik Keykey Ayak*

<sup>40</sup> Jiysis kun angek, biynimb kuñaynep kun gok, gunap minim angak kun ak niñiy angyak, “Bi biy, bi Gor minim angep winingamb angiy kond mindyngipun ak angyak.”

<sup>41</sup> Gunap angyak, “Nuk bi kiyn yomb key yimb ak angyak!”

Kun angeyak, gunap pen angyak, “Kiyn yomb key yimb ak Galiyliy nimb ma winingamb!

<sup>42</sup> Baybol buk ak anġip rek, Jiwda bi kiyn yomb key yimb ak, Depiyt tikek tik dand amiy apiy giy, tikningambay Depiyt miñmon nuk Betliyhem anġyak.” <sup>43</sup> Jiysis nup nen anġiy, biynimb kuñay mindeyak kun gok, asik pis ak key, pis ak key ay, <sup>44</sup> gunap nup diy dand kor amnun anġyak ak pen, nup ma diyak.

### *Jiwda Biyomb Gok Nup Ma Gos Niñyak*

<sup>45</sup> Pen Jiwda poliys gok andkind amey, bi Peresiy gok sek, bi Gor nup simbonġep yomb gok sek anġyak, “Bi kun anup yenen ma dand opim?”

<sup>46</sup> Anġey, bi poliys kun gok anġyak, “Biynimb bap, bi kun ak minim tep yimb anġip rek ma apay anġyak.”

<sup>47</sup> Kun anġey, bi Peresiy gok anġyak, “Nimb biynimb gunap bi tom gip kun ak niñind anġip anġiy niñbay rek niñbim? <sup>48</sup> Bi chin Peresiy bap akan, Jiwda biyomb gunap nup gos niñiy ma dipay. <sup>49</sup> Biynimb guniy kiyk Mosis low ak ma niñbay rek, yiwur yomb diningambay anġyak.”

<sup>50</sup> Pen bi kiyk Niykodiymas, bi nind kisyimken amiy Jiysis nup minim gunap anġniñak ak, kuyip anġak, <sup>51</sup> “Jiwda low chin ar ak, bi bap nup timey gipan anġiy, yikop kalambis ma aypun; kor giy junj bap niñiy nep mey, kun gipun anġak.”

<sup>52</sup> Anġek anġyak, “Nak kunep Galiyliy nimb rek? Baybol buk ak riytiym gi dand amiy niñningamban: bi Gor minim anġep bap, Galiyliy nimb ma winiñgamb anġyak.” <sup>53</sup> [Kun anġiy, kiyk mañgiysekorip kiyk keykey amniyak.

## 8

### *Biyn Bap Am Bi Bap Yip Di Gak*

<sup>1</sup> Pen Jiysis nuk miñmon Oliyp dum am kiniy, <sup>2</sup> minek miñmon tikdam yokakniñ, tip ak andkind Gor angninep korip ak apek, biynimb kunaynep ap nup pinjy kus kus gey, nuk bising mindyng, minim angnñi mindek. <sup>3-4</sup> Angnñi mindakniñ, bi low tiysa gok sek, bi Peresiy gok sek biyn bap, bi bap yip di gek, dap biynimb mindeyak namb sinjak ay, Jiysis nup angyak, “Tiysa. Biyn biy bi sek ak pen, bi bap yip di gambiyr niñiy, dand aswun. <sup>5</sup> Mosis low ak biyn bi kun gok rek, kamb jiw pikayniñgiy angak. Kun ak biyn gip kun biy, nand yerip gos niñban angyak.” <sup>6</sup> Pen kiyk minim kun ak yesek kun angon, nuk yerip angek, nup kor gun angyi angyak ak mey, nuk yikop jiy kuyangiy, lum ar ak kil tik mindek. <sup>7</sup> Pen nup minim kun ak angninep mindeyak, nuk tikjakiy kuyip angak, “Bi tap siy tap timey ma gip bap mindonimuñ ak, kamb bap diy, biyn kun ak mindonimuñ sinjak nind diyoknimuñ angak.” <sup>8</sup> Kun angyi, tip ak kuyangiy, man biyan kil tik mindakniñ, <sup>9</sup> bi nup kor gun angyak kun gok, minim angak kun ak niñiy, biyomb yomb rek gok nokom nokom kiring amniyakniñ, mangyisek kiring keykey amdiyak. Jiysis yip, biyn ak yip nep minderik. <sup>10</sup> Kun ak nuk kund almil ay bising mindyng; biyn kun anup angak, “Bi gok akay? Bi nip kor ginimuñ bap ma mindip rek?” <sup>11</sup> Angek, biyn ak angak, “Biyomb. Bi yip kor ginimuñ bap ma mindip angak.” Angek, Jiysis angak, “Yand kunep nip kor

ma giningayn nen amnon! Pen tap siy tap timey ak tip ma ginimin angak.”]

*Jiysis Mey, Biynimb Gok Melik Kiyk*

<sup>12</sup> Jiysis kuyip tip ak angyi angak, “Mankumb biy melik ak yand mindpiyn. Biynimb an yip chingiy tangeningambay gok, kisyimnamb okok ma tangeningambay; permindep melik tep ak diy tangeningambay angak.”

<sup>13</sup> Kun angek, bi Peresiy gok nup angyak, “Minim nak keynep apan ak, dep rek ma ayip angyak.”

<sup>14</sup> Kun angey, Jiysis angak, “Minim kun ak yand key aspiyn ak pen, niynd aspiyn. Yenen: yand opiyn okok niyiy, amningayn okok niyiy gipiyn. Pen nimb, opiyn okok, amningayn okok ma niybim. <sup>15</sup> Nimb minim tungasikying, ar ak tep gipim, ar ak timey gipim apim ak, biynimb Gor nup ma chingipay gok gos niyiy apay rek nep apim. Pen yand nimb apim ar kun ak rek ma apiyn. <sup>16</sup> Bapiy yip yokek winik ak, yip mindpiyn rek, minim tungasikning; niynd nep angyi tungasikpiyn. <sup>17</sup> Low minim nimbik ar ak apim, ‘Bi ominal minim ar nokom kun anep angeningayr mey; ak niynd apiyr angyi niyningambay apim.’ <sup>18</sup> Low nimb kun ak rek. Bapiy yip yokip ak, minim chirapiy nokom kun anep apur ak mey, niynd apur angak.”

<sup>19</sup> Kun angek, nup angyak “Nap akay?”

Angey angak, “Nimbik yip ma niybim rek, Bapiy nup kunep ma niybim. Yip niyiy rek, Bapiy nup kunep niybikip angak.”

<sup>20</sup> Jiysis lotiw korip opriyη dap yokpay minḡan ak, minim kun ak aηḡak ak pen, Gor ñin nup aηḡayak ak ma wak rek, biynimb bap nup chichiy diy, dand kor amniηḡiy rek ma ayak!

*Yand Amjipiyn Okok Nimbik Ma Amniηgambim*

<sup>21</sup> Jiysis kuyip tip ak aηḡak, “Yand amen, yip piyowniηgambim ak pen, nimbik tap timey ginep mindiy kumniηgambim rek, amniηḡayn tip ak ma niηiηgambim aηḡak.”

<sup>22</sup> Kun aηḡek, Jiwda biyomb gok aηḡyak, “Nuk aηḡip yand amjipiyn okok ma niηiηgambim aηḡip ak, yenen kun aηḡip? Nuk key pikayniηḡ kun aηḡip?”

<sup>23</sup> Kun aηḡyak ak pen, Jiysis kuyip aηḡak, “Nimb biy nimb; yand biyoη nimb winik. Nimb mankumb biy ker; yand pen mankumb biy ker ma mindpiyn. <sup>24</sup> Kun ak niηiy mey, ‘Nimb tap siy tap timey gi mindiy kumniηgambim apiyn.’ Pen yip mey bi kun ak nep aηḡiy, gosimb ma niηiηgambim ak; gach sek mindpim rek mindiy, kumniηgambim aηḡak.”

<sup>25</sup> Kun aηḡek aηḡyak, “Nand an?”

Aηḡey, Jiysis aηḡak, “Nimbip per ma aηḡñimbiyn? <sup>26</sup> Nimbip minim aηḡ ginim ar ak, kuηaynep mindip. Bi yip aηḡyokek winik ak, gos okok maηḡiysek niηrep gip rek, yip gos ñakniη, biynimb gok kuyip aηḡñimbiyn ak pen; nimb ma niηjun aηḡiy nep niηbim aηḡak.”

<sup>27</sup> Jiysis Nop nup aηḡiy minim aηḡak kun ak ma niηyak rek, kuyip aηḡak, <sup>28</sup> “Bi bap Ñinuk nup ñaηḡbirikniηgambim ñin ak, giniηgamb giniηgamb rek niηiy aηḡniηgambim, ‘Ak Bi kun

anep. Nuk tap bap key ninjy ma giyingip; Nop minim angñiyingip rek nep ninjy angyingip angningambim.’ <sup>29</sup> Bi yip yokek winik anup, tep gip ar anep gipiyn ak mey, yip ma kirgip; nuk yip nep mindpur angak.”

<sup>30</sup> Jiysis minim kun ak angakniñ, biynimb kunaynep nup Kiyñ yomb key yimb ak angiy gos niñyak. <sup>31</sup> Pen Jiwda biynimb nup Kiyñ yomb key yimb angiy niñyak kun gok kuyip angak, “Biynimb minim yip ar ar diningambay gok, biynimb yand mer. Biynimb yand mey, minim yip pisnep dipay gok. <sup>32</sup> Biynimb yand mindeningambim rek, Gor nimbip gos tep ñek, minim yerip yipund giy mindip ak niñjy, kalambis woñg rek gi mindpim ak kirgiy, mindrep giningambim angak.”

<sup>33</sup> Kun angek angyak, “Minim apan kun ak yerip? Chin basind Ebrahim ñapan nuk mindpun ak, chin biynimb gunap kuyip kalambis woñg rek ma gipun angyak.”

<sup>34</sup> Kun angeyak, Jiysis angak, “Nimbip niñind aspiyn. Biynimb tap siy tap timey gipay gok, key mindrep giniñgiy rek ma ayamb mey, kalambis woñg rek gi mindpay. <sup>35</sup> Biynimb kalambis woñg gipay kun gok, Biyomb ak biynimb kiñiñ nuk yimb ma mindpay. Pen Bi bap Ñinuk ak nep mey; Biyomb ak Ñinuk yimb. <sup>36</sup> Nuk nimbip biynimb kalambis woñg rek gi mindpim gok, wisik yokeningamb, biynimb kalambis woñg gipay rek ma mindeningambim; Biyomb ak biynimb nuk yimb mindeningambim. <sup>37</sup> Nimbip Ebrahim tikek tikey apek mindpim ak niñbiyn ak pen; nuk giyingip rek ma giy, minim apiyn ak ma diy, yip

ñanḡniḡ gispim. <sup>38</sup> Yand Bapiy yip mindiy niḡnik rek nimbip anḡñimbiyn; pen nimb, nap nimbik ak minim anḡip ar gok nep gipim anḡak.”

<sup>39</sup> Anḡek anḡyak, “Bapiy chin mey Ebrahim anḡyak.”

Anḡey, Jiysis anḡak, “Nimbik Ebrahim ñapan nuk mindembikip rek, nuk giyiḡip rek gipkip. <sup>40</sup> Yand Gor anḡip rek, minim niḡind yimb ak nimbip anḡñimbiyn ak pen, yip ñanḡniḡ gispim. Ebrahim nuk, nimbik giniḡ gispim kun ak rek ma giyiḡip. <sup>41</sup> Kun ak, nap nimbik yimb ak gip rek gispim anḡak.”

Kun anḡek anḡyak, “Chinup waḡ siy diy ma tikyak, Gor nokom mey, Bapiy chin anḡyak.”

<sup>42</sup> Kun anḡey, Jiysis pen anḡak, “Gor bapiy chin apim ak pen; yand nuk yip mindiy opiyn ak, yenen yip wasemb ma aypim. Gos yand key niḡiy ma winik; nuk nep yip anḡyokek winik. <sup>43</sup> Pen minim yip ak yenen niḡrep ma gipim. Gipim kun ak minim nup ak ma niḡun anḡiy gipim. <sup>44</sup> Nap nimbik Seytan ak mey, nuk gos niḡimb ar anep gun anḡiy niḡbim. Nuk kiñiḡ giy biynimb gok kuyip ñanḡpikayiḡip. Miñ ar nuk kun ak mindnep mindip. Gos tep gunap niḡiy mindrep ma gip. Minim tom nep gek gek mey, minim kun ak minim nuk yimb ayip. Nuk biynimb tom gipay gok nop kiyk ak mey, <sup>45</sup> yand nimbip minim niḡind apiyn ak niḡiy, ma dipim. <sup>46</sup> Pen yand gipiyn ak timey gipan anḡiy anḡnimimb rek ma ayek, yenen minim yip ak ma dipim? <sup>47</sup> Biynimb Gor ker mindpay gok, minim nup ak dipay. Pen



nimb nup ker ma mindpim rek, minim nup ak ma dipim angak.”

*Ebrahim Kisen, Yand Nind Angak*

<sup>48</sup> Jiwda kay Jiysis nup angyak, “Nand bi Samariya nimb. Nip kichekiy aban ayip angambun ak, ninind apun rek?”

<sup>49</sup> Angey angak, “Yip kichekiy ma aban ayip. Bapiy nup yimb ak dand aranimbiyn ak pen; nimb yimb yip ak dand apyopim. <sup>50</sup> Yimb yand ak key dand araniyn angiy ma ninbiyn; Biyomb biynimb yerer gipay gok ninrep gip ak, yimb yip ak aranan angiy ninimb. <sup>51</sup> Nimbip ninind aspiyn: Biynimb an minim yip ak diy kisen giningamb ak, ma kumningamb, perper nep mindeningamb angak.”

<sup>52</sup> Jiysis kun angek, nup angyak, “Ebrahim kumek, bi Gor minim angep gunap kunep kumyak ak, yergiy nand pen apan, ‘Minim yip diningambim ak, ma kumningambim apan?’ Kun ak chin ninbun, ninind nip kichekiy aban ayip. <sup>53</sup> Bapiy chin Ebrahim sek, bi Gor minim angep gunap sek kumyak ak; kiyk bi sikoy, yand biyomb angiy ninban?”

<sup>54</sup> Angey, Jiysis angak, “Yimb yand key dand araningayn ak tep ma giningamb. Bi yimb yip dand aranimb ak, Bapiy yand. Nimbik nup Bapiy chin apim ak pen; <sup>55</sup> nup ma ninbim. Yand mey nup ninbiyn. Pen nup ma ninbiyn angningayn ak, nimb tom gipim rek giningayn. Kun ak nup ninbiyn ak mey, minim angip rek dipiyn. <sup>56</sup> Pen Gor wosrey nap Ebrahim nup, miñiy yand ap mindpiyn biy winingamb angek, ninind angip

angiy, gos sek mindiy miñmiñ gak ak mey, yand apen nup tep yimb gak angak.”

<sup>57</sup> Kun angek, Jiwda biyomb gok minim nup kun ak niñrep ma giy angyak, “Simiy nak ñin jiwiy ominjal rek ma mindpan ak pen, yergiy Ebrahim wosrey kondon okok mindyngip anup niñnik angyi aspan?”

<sup>58</sup> Angeyak, kuyip angak, “Nimbip niñind aspiyn. Yand bi perper mindep ak mey, yand mindnikniñ, Ebrahim nup kisen tikyak angak.”

<sup>59</sup> Kun angek, Gor rek mey minim kun ak kun giy apkop angyi, nup kamb jiw pikayning geyak, Gor angnep korip miñgan mindek ak siling ay mis amnak.

## 9

### *Bi Windin Koysek Tikyak Bap, Jiysis Gek Sun Ayak*

<sup>1</sup> Pen Jiysis binuk gok yip amying, bi windin koysek tikyak bap mindek. <sup>2</sup> Bi kun ak niñy, binuk gok Jiysis nup angyak, “Tiysa! Tap siy tap timey an gek, bi kun biy windin nup ak koy gak? Nuk key akan, nop nonim ger gak?”

<sup>3</sup> Angeyak, Jiysis angak, “Windin nup koy gak ak, nuk key akan, nop nonim tap siy tap timey ger ma gak. Yand nup gen sun ayek, biynimb gok niñy, Gor Biyomb yimb mindip ak niñyan angyi mey, windin nup kun ak koy gak. <sup>4</sup> Miñiy melik mindip rek, bi yip yokek winik ak, wong nup ak ginjun. Yenen, nimb niñbim; kisyim apek wong gep rek ma ayingamb. <sup>5</sup> Yand mankumb

biy mindpiyn rek, biynimb gok melik kiyk ak mindpiyn angak.”

<sup>6</sup> Jiysis minim kun ak angyi, man biyan kiñuk giy, gek wilemb ayek diy, bi windin koy gak anup windin ak wiykiy angak, <sup>7</sup> “Saylom chemb amiy, jomluk ak ñiñg ayoknimin angak.” Kun giy angyokek, am ñiñg ayokiy windin ak ninying, korip nuk owak.

<sup>8</sup> Pen biynimb korip layn nuk yip jimñiy gok sek, biynimb okok kuyip tap nen asimbi angyingip gok sek key angnin angnin giy angyak, “Bi biy mey, bi bisin mindying tap nen asimbi angyingip ak rek ayip?” <sup>9</sup> Angey, gunap angyak, “Yaw. Mey bi kun anep angyak.” Gunap pen angyak, “Mer. Bi kun ak rek ayip ak pen, bi biy key angyak.” Kun angey, bi kun ak nuk key angak, “Yand mey bi kun ak nep angak.” <sup>10</sup> Angek, nup angyak, “Windin nip ak yergiy sun ayip?” <sup>11</sup> Angey angak, “Bi Jiysis apay ak, man biyan kiñuk giy, gek wilemb ayek, diy windin yip ak wiykiy angyi, ‘Am Saylom chemb biyan ñiñg ayoknimin angek,’ am ñiñg ayokiy day windin yimb ninbiyn angak.” <sup>12</sup> Angek angyak, “Bi kun ak miñiy akay?” Angey angak, “Ma ninbiyn angak.”

### *Bi Peresiy Gok Bi Windin Koy Gak Ak Yergiy Sun Ayip Angyak*

<sup>13-14</sup> Pen Jiysis gek windin ninak kun ak, Jiwda lotiw ñin ak gak ak mey, biynimb gunap bi kun anup dand Peresiy kay mindeyak ak amey, <sup>15</sup> nup angyak “Yergiy windin ninban?” Angey angak, “Jiysis man ak diy, windin yip ak wiykamb, am

windin ak ñiᅅg ayokiy, windin yimb niᅅbiyn aᅅgak.”

<sup>16</sup> Kun aᅅgek, bi Peresiy gunap aᅅgyak, “Lotiw ñin ak kun gip rek, Gor nup yokamb ma wip aᅅgyak.” Aᅅgeyak, bi kiyk gunap pen aᅅgyak, “Bi tap siy tap timey gep bap mindombikop ak; yergiy tap mageprek kun ak gipkop aᅅgyak.” Kun aᅅgiy kiyk keynep, asik keykey ayak. <sup>17</sup> Bi Peresiy gok, bi kun anup tip aᅅgniᅅiy aᅅgyak, “Bi windin nip gek niᅅban kun ak, nup bi yerip aᅅgiy niᅅban?”

Aᅅgey aᅅgak, “Yand niᅅbiyn ak, nuk bi Gor minim aᅅgep bap aᅅgak.”

<sup>18</sup> Pen Jiwda biyomb gok, Jiysis gek suᅅ ayak minim ak ma diy, nop nonim kuyip suk aᅅgey aperik ᅅgyak, <sup>19</sup> “Ñi biy ñi nirik?” Aᅅgey aᅅgrik, “Yaw! Ñi chir aᅅgrik.” Aᅅger aᅅgyak, “Nup windin koysek tikrik?” Aᅅgey aᅅgrik, “Yaw! Nup windin koysek tikruk aᅅgrik.” Kun aᅅger aᅅgyak, “Kun ak yergiy windin yimb niᅅimb?” <sup>20-23</sup> Pen kiyk ber niᅅrik: Jiwda biyomb kun gok, nind minim kilis ar bap aᅅgiy aᅅgyak, “Biyimb Jiysis nup bi kiyᅅ yomb key yimb aᅅgiy niᅅniᅅgambay gok, lotiw korip chinup ak ma winiᅅgambay aᅅgyak.” Kun ak kiymiᅅay pirikrik rek, Jiysis gek suᅅ ayip aᅅgiy ma aᅅgrik, “Ñi ak windin koysek tikruk ak pen, miᅅiy yergiy windin yimb niᅅimb ak ma niᅅbur; nuk ñiskoy mer ak, nup key aᅅgniᅅem, aᅅᅅniᅅgamb aᅅgrik.”

<sup>24</sup> Kun aᅅgerik, biyomb gok bi kun anup tip ak suk aᅅgey apek aᅅgyak, “Nip suᅅ ayip kun ak, Gor nup yimb anep dand aranimin. Chin niᅅbun, bi Jiysis kun ak, bi tap siy tap timey gep aᅅgyak.”

25 Kun angey, kuyip pen angak, “Nuk bi tap siy tap timey gep bap akan ma niñbiyn; pen nind windin koy mindenik, miñiy niñrep gipiyn ak niñbiyn angak.”

26 Angek angyak, “Nip yerer gip? Pen yergiy gamb windin yimb niñban?”

27 Angey angak, “Nimbip mindarik angñen niñbim ak pen, yenen tip ak niñun angiy aspim? Nimbik kunep binuk mindniñg gos niñbim?”

28 Kun angek, nup ang giy angyak, “Nand bi kun ak binuk. Pen chin Mosis binuk. 29 Gor Mosis nup minim angñek angyiñgip ak niñbun ak pen; bi biy akay nimb wip?”

30 Angeyak angak, “Ayaw-ey! Nuk windin yip ak gek suñ ayip ak pen; akay nimb angiy ma niñbim! 31 Pen chin niñbun; tap siy tap timey giyiñg, Gor nup angniñon ma niñniñgamb; biynimb mindrep gipay gok nep angniñey, angniñgambay rek giniñgamb. 32 Miñmon alwol gayak ñin ak tikiy, mind dand apiy mindpun ñin biy, biynimb windin koysek tikyak bap gey suñ ma ayak. 33 Bi kun ak Gor yokek ma opkop ak, biynimb gok gek kun giy suñ ma aypikop angak.”

34 Kun angek angyak, “Nanim nip tikak ñin ak, bi tap siy tap timey gep ak tikayak ak pen; chinup minim angñiniñg gispan?” Kun angiy, Jiwda nan-gep korip biy tip ma winiñgamban angiy, nup angyokyak.

*Jiysis Nup Gosimb Ma Niñbay Gok Windin Koy  
Rek Mindpay*

<sup>35</sup> Pen Jiysis bi kun anup angyokyak minim ak niñiy, am nup piyow niñiy angak, “Nand Bi bap Ñinuk ak nup gosimb niñban?”

<sup>36</sup> Angek angak, “Bi kun ak mey ak angey, nup gosimb niñnim angak.”

<sup>37</sup> Kun angek, Jiysis angak, “Bi kun ak mindarik niñban. Mey nand yip minim aspiyr biy angak.”

<sup>38</sup> Kun angek, Jiysis mindek kiñiñ siñak kongim yimiy angak, “Biyomb! Nip gosimb niñbiyn angak.” <sup>39</sup> Angek, Jiysis angak, “Yand opiyn rek, biynimb mankumb biy yerer giy rek mindpay ak niñningambay. Biynimb mindrep ma gipun apay gok, windin sek rek ayniñgamb; biynimb mindrep gipun apay gok, windin koy rek ayniñgamb angak.”

<sup>40</sup> Kun angek, bi Peresiy mañ kun siñak mindeyak gunap, minim kun ak niñiy angyak, “Kun apan ak, chin kunep windin koy?”

<sup>41</sup> Angey, Jiysis angak, “Nimb windin koy mindpun apkip rek, timey gipim ak, minim yomb yimb ma dipkip. Pen niñrep gipun angyiñ niñbim rek, minim yomb yimb ak diniñgambim angak.”

## 10

### *Bi Kanj Siypsiyp Mokep Angiy Paydon Ay Angak*

<sup>1</sup> Jiysis minim ar bap paydon ay angak, “Nimbip niñind yimb aspiyn. Bi kinjenram yipund giy miñgan ak mindakniñ, tam yesek bap talakiy amniñgambay gok, bi tap siy sinjrimey dipay ak mey kun giniñgambay. <sup>2</sup> Bi siypsiyp mokep ak, wariy miñgan amniñg, yesek tam okok talakiy ma

amningamb; kinjenram yipund giy miŋgan anep amiy, amningamb.

<sup>3-4</sup> “Pen bi siypsiyp mokep ak amjakek, bi kinjenram kond mindep ak nup niŋrep giningamb rek, kinjen yikningamb. Siypsiyp gok kunep, bi kun ak meŋg miŋgan nup ak niŋningambay rek, kuyip yimb angyiŋ, poŋind mis amiy, nuk nind gakniŋ, kiyk kisen giningambay. <sup>5</sup> Pen bi yesek bap ap angek, meŋg miŋgan nup ak ma niŋningambay rek, pirik amningambay angak.”  
<sup>6</sup> Jiysis kun giy paydoŋ ay angek, minim asap ar ak angyi ma tik niŋyak.

### *Bi Kanj Siypsiyp Mokep Tep Ak*

<sup>7-9</sup> Ma niŋeyak, Jiysis tip ak angak, “Nimbip niŋind yimb aspiyn. Yand mey kinjenram yipund giy ak. Biynimb kinjenram kun ak apiy amningambay gok, bap ma kurginingambay. Amiy apiy giyiŋ, tap kaskas niŋningambay.

“Pen chin bi kanj siypsiyp mokep angyi nind wiyak gok, bi siypsiyp siydep ak mey, kanj siypsiyp gok minim kuyip ak ma niŋyak. <sup>10</sup> Kuyip siy diniŋ, timey giniŋ, pikayniŋ nep wiyak. Yand winik ak, kim mindiy mindrep yimb giniŋgiy angyi winik.

<sup>11</sup> “Yand bi kanj siypsiyp mokep tep yimb ak. Bi kanj siypsiyp mokep kun ak, ma pirikningamb; kanj siypsiyp kond minden angyi monmon kumningamb. <sup>12-13</sup> Bi woŋg maniy nep giyiŋ, kanj siypsiyp kond mindeningambay gok, bi kanj siypsiyp mokep yipund giy mer ak mey, siypsiyp gok kuyip gosimb ma niŋningambay. Kayn ayndik

gok niñiy, pirik ameniñgambay mey, siypsiyp gok kuyip yuk dam kind keykey yokniñgambay.

<sup>14-15</sup> Bapiy chirapiy penpen niñrep gipur rek; yand siypsiyp gok yip penpen niñrep gipun. Kun ak kuyip angyi kumniñgayn. <sup>16</sup> Bapiy wong yip angyip rek, siypsiyp yand gok miñmon Jiwda biy nep mer; miñmon okok kunep diniñgayn. Pen kiyk minim yip ak niñniñgambay rek; siypsiyp tiwin nokom bap mindiy, bi mokep kiyk nokom bap nep mindiy giniñgamb.

<sup>17</sup> “Kuyip nen angyi kumiy tikjakniñgayn rek, Bapiy yip wasemb ayip. <sup>18</sup> Biynimb gunap gos kiyk niñiy gey ma kumniñgayn; yand key kumiyn angyi kumniñgayn; tikjakiyn angyi tikjakniñgayn. Minim kun ak rek Bapiy yip angyip angyak.”

<sup>19</sup> Jiysis minim kun ak kun giy angek, Jiwda kay tip ak asik pis ak key, pis ak key ay; <sup>20</sup> gunap angyak, “Nup kichekiy amban ayek, minim tom gisap ak, yenen niñsipim angyak?”

<sup>21</sup> Pen gunap angyak, “Nup kichekiy amban ayombikop; kun giy ma apkop. Pen kichekiy amban ayek, yergiy biynimb windin koy gok gek, tip ak niñbiyap angyak.”

<sup>22</sup> Pen kisen Jiwda biynimb, Gor angniñep korip opyim giyak ñin ak miñiy wip angyi, Jerusalem am nan-giyak. Ñin kun ak, yombip ñin ak mey, <sup>23</sup> Jiysis Gor angniñep korip mis ar “Solomon korip bandak band” angyiñgipay ak mindakniñ, <sup>24</sup> Jiwda biyomb gok mindek siñak apiy angyak, “Chinup gey pernep ma kond mindenjun; bi kiyn yomb key yimb mindenimin ak, misen angye ninjun angyak.”



<sup>25</sup> Angey, Jiysis angak, “Nimbip angñimbiyn ak pen, niñind angip angiy ma niñbim. Tap mageprek gipiyn ak niñiy, Gor nep angek gip angiy niñnimimb ak pen, <sup>26</sup> siypsiyp yand ma mindpim rek, yip gosimb ma niñbim. <sup>27</sup> Kanj siypsiyp yand gok kuyip niñbiyn; kiyk pen menng miñgan yip ak niñiy, yip kindik gipay. <sup>28</sup> Kiyk yip dipay rek, gen perper mindeningambay. Nin ar yip mindpay ak, biynimb gunap ap kuyip lipiñg dand amniñgiy rek ma mindip. <sup>29</sup> Bapiy bi kilis yimb ak, kuyip di yip ñimb ak mey; biynimb gunap kuyip piliñg dand amniñgiy rek ma mindip. <sup>30</sup> Bapiy key, yand key mer; chirapiy bi nokom yimb angak.”

<sup>31</sup> Jiysis kun angek, Jiwda kay nup tip ak, kamb jiw pikniñg geyak angak, <sup>32</sup> “Bapiy angek, tap mageprek gunap keykey gipiyn. Pen gipiyn kun ak, ar akay sisker gen niñiy, yip ñañg pikayniñg gispim?”

<sup>33</sup> Angek angyak, “Tap mageprek gipan kun gok niñiy, nip ñañg pikayniñg ma gispun; Gor nup yimb ak ang sikoy giyiñg, yand nuk rek angey mey, nip ñañg pikayniñg gispun angyak.”

<sup>34</sup> Kun angeyak, Jiysis angak, “Baybol buk low per apim ak, ar bap tikiy, biynimb yomb gor rek mindpim angiy tikyak. <sup>35</sup> Pen Baybol buk minim bap yesek ma angningamb ak mey, biynimb yikop wong nup giñiyiñgipay gok kuyip, gor rek mindpim angiy tikyak ak niñind angiy tikyak. <sup>36</sup> Yand mankumb biy opiyn ak, Bapiy yip, wong ginimin angiy yokek opiyn. Pen nimb yerip gos ak niñiy, Gor Ninuk mindpiyn ak nep angen, Gor nup

yimb ang sikoy gisap angiy, yip ñang pikayning gispim? <sup>37</sup> Wong nup ak ma gen, minim yip ak ma dinimimb; pen genim, minim yip ak dinimimb. <sup>38</sup> Pen dep rek ma ayek, tap mageprek gipiyn gok niñiy, yand Bapiy yip mindpiyn, nuk yand yip mindip ak; niñningambim angak.”

<sup>39</sup> Pen tip ak nup chichiy dun angeyak, nuk kapkap silgiy amnak. <sup>40</sup> Siling ay amiy, Joden ñing tikiy pis bindon amiy, Jon mindiy biynimb ñing pikñiyingip miñmon tingon okok am mindek. <sup>41</sup> Biynimb kuñaynep, mindek ak apiy angyak, “Jon tap mageprek gunap ma giyingip; pen bi biy nup angiy minim yerip yerip angak ak, niñind yimb angyingip angyak.” <sup>42</sup> Kun angiy, kuñaynep Jiysis nup gosimb niñyak.

## 11

### *Lasaras Kumak*

<sup>1</sup> Bi bap tap gak miñmon Beteniy. Yimb nuk ak Lasaras. Bi kun ak, nunay nuk omiñal mindyingipiyr. Bap Mariya, bap Mata. <sup>2</sup> Mariya mey, biyn Jiysis nup tomb kind ak wel songñiy, jun kas nuk wiykyokak ak. <sup>3</sup> Lasaras nup kun giy tap gek, nunay omiñal Jiysis nup minim piñiy yokiy angrik, “Biyomb! Bungiy nak anup, tap yomb yimb gip angrik.”

<sup>4</sup> Pen Jiysis minim angyokrik kun ak niñiy angak, “Nup tap gip kun ak pisnep kumnimun angiy ma gip. Pen Bapiy nuk key niñimb rek gek, biynimb gok yimb nup ak sek, Ñinuk nup yimb ak sek dand araniñgambay angak.”

<sup>5</sup> Jiysis nuk Mata, Mariya, Lasaras kuyipyakam wasemb ayiŋgip ak pen; <sup>6</sup> minim kun ak niŋiy, kasek ma amnak; miñmon mindyiŋgip kun okok minek omiŋal sek mindiy, <sup>7</sup> binuk gok kuyip aŋgak, “Tip ak Jiwdiya amnun aŋgak.” <sup>8</sup> Kun aŋgek, binuk gok aŋgyak, “Tiysa. Menikarik namb siŋbiy, Jiwdiya biyomb gok nip kamb jiw pikniŋg geyak ak pen; tip ak miñmon kun okok amniŋg gispan?”

<sup>9</sup> Angeyak aŋgak, “Nimb niŋbim: minek nokom bap, tapin mindiy kisyim wip. Kun ak biy-imb melik sek giranŋeniŋgambay gok, melik ak niŋyiŋg tanŋeniŋgambay rek, tap gunap tawey pilachakek, ma gindam pikniŋgambay. <sup>10</sup> Pen kisyimken giranŋiy, melik ma niŋniŋgambay rek, tap gunap tawey pilachakek, gindam pikniŋgambay aŋgak.”

<sup>11</sup> Jiysis kun aŋgiy, minim bap pen aŋgak, “Mam chin Lasaras wisin kinjap ak amiy, nup aŋgen tikjakniŋgamb aŋgak.”

<sup>12</sup> Angek, binuk gok aŋgyak, “Biyomb. Nuk kinjap apan ak suŋ ayiŋgamb aŋgyak.” <sup>13</sup> Jiysis Lasaras kumimb aŋgiy aŋgak ak pen, kiyk aŋgniŋyak-eŋ, yikop wisin kinek kun asap aŋgyak. <sup>14</sup> Binuk gok ma niŋey, kuyip misen aŋgiy aŋgak, “Lasaras kumimb. <sup>15</sup> Pen nuk yip ma minden kumak kun ak, nimbip nen aŋgiy miñmiñ gispiyn. Yenen, nup gen tikjakek, yip Gor Niŋuk aŋgiy gosimb niŋniŋgambim nen, amnun aŋgak.”

<sup>16</sup> Angek, Tomas yimb nuk bap Didiymas, numam gunap kuyip aŋgak, “Kun ak chin Tiysa yip

amiy, mangiysek kumjun angak.”

*Jiysis Mariya Ayminay Kuyip Niñak*

<sup>17</sup> Pen kiyk Beteniy amjakeyak, Jiysis nup angyak, “Lasaras kumek komnuk ak, ñin omiñal omiñal pandikip angyak.” <sup>18</sup> Pen miñmon Beteniy kun ak, Jerusalem mañ sinak ak mey, <sup>19</sup> Lasaras kumek, Jiwda biynimb kunaynep, ap Mata yip, Mariya yip kuyip simb niñiy aymindeyak. <sup>20</sup> Pen Mata Jiysis asaw angey niñiy, nunay Mariya nup korip ak kirgiy, <sup>21</sup> nuk am Jiysis nup niñiy angak, “Biyomb. Biy mindembinap rek, mam yand ak ma kumbikop. <sup>22</sup> Pen yand niñbiyn: miñiy Gor nup angnineñgamban, angnineñgamban rek gineñgamb angak.”

<sup>23</sup> Angek, Jiysis angak, “Namam tip ak tikjakneñgamb angak.” <sup>24</sup> Angek angak, “Yand niñbiyn. Ñin kisen ak apek, tikjakneñgamb angak.” <sup>25</sup> Angek, nup angak, “Kumiy tikjakpay ak sek, perper mindpay ak sek junj ak mey yand mindpiyn. Biynimb yip gosimb niñbay gok, kumiy pisnep ma kumneñgambay; <sup>26</sup> yip gosimb niñneñgambay rek, kim mindiy perper nep mindeneñgambay. Minim ar kun ak niñban?”

<sup>27</sup> Angek, “Yaw. Biyomb! Nip niñbiyn; nand mey Kiyñ yomb key yimb Gor Ñinuk mankumb biy wineñgamb angyineñgipay anep angak.”

<sup>28</sup> Pen Jiysis Mata nup, nanay akay angyi angninek, andkind nunay Mariya mindek ak amiy, nup timund simb tikiy angak, “Tiysa nip akay angyi angnineñsap angak.” <sup>29</sup> Angek, Mariya minim kun ak niñiy, kasek tikjakiy, nup niñneñg

amnak. <sup>30</sup> Jiysis pen korip ma owak; Mata niŋak tip siŋak nep mindek. <sup>31</sup> Mariya nuk kun giy kasek amek, biynimb nuk yip mindeyak gok aŋgniŋyak-eŋ, chip kawrumb ar ak amjap aŋgiy, kisen amniyak.

<sup>32</sup> Mariya am nup niŋiy, mindek ak jun paŋgiy aŋgak, “Biyomb. Biy mindembinap rek, mam yand ak ma kumbikop aŋgak!”

<sup>33</sup> Pen Mariya sek, Jiwda biynimb nuk yip wiyak gok sek siy aŋgeyak, Jiysis nup miker yimb gek aŋgak, <sup>34</sup> “Nup kombim akay?”

Angek aŋgyak, “Apey am niŋun aŋgyak.”

<sup>35</sup> Jiysis pen siy ñiŋg tikdam yokek, Jiwda biynimb gok niŋiy aŋgyak, <sup>36</sup> “Niŋim! Lasaras nup wasemb yimb ayip aŋgyak.”

<sup>37</sup> Gunap pen aŋgyak, “Nuk bi windin koy gip gok gek windin yimb niŋbay rek; yenen tap nup gak kun ak gek ma suŋ ayak?”

### *Lasaras Nup Gek Tikjakak*

<sup>38-39</sup> Kun aŋgeyak, Jiysis nup tip ak miker yimb gek, Lasaras nup komyak bindoŋ amiy aŋgak, “Kamb yomb di chip kaw pil giyak ak diyokim aŋgak.”

Angek, bi Lasaras kumak kun ak, nunay Mata aŋgak, “Biyomb. Chip ak kumek komonuk, ñin omiŋal omiŋal pandikip ak, kuyrimey yimb winiŋgamb aŋgak.”

<sup>40</sup> Angek, pen aŋgak, “Nip yerip aŋgambiyn? Yip gosimb niŋmindiy mey, Gor key yimb gek niŋniŋgamban apiyn aŋgak.”

<sup>41</sup> Kun angek, kamb ak diyokek, Jiysis kuyonŋiy niŋiy aŋgak, “Bapiy. Nip per aŋgniŋen yip niŋban

ak pen; <sup>42</sup> miñiy angnisipiyn ak, biynimb guniy nak nep yip yokpan ak, niñrep giniñgiy angyi aspiyn angak.”

<sup>43</sup> Kun angyi, menj miñgan dand araniy angak, “Lasaras. Mis awan angak.” <sup>44</sup> Angek, chech nup pipkomiy dam kaw diyak gok, kun giy mindakniñ, mis owak. Apek, Jiysis angak, “Chech nup jun biyoñ pipkomyak ak sek, ñin tomb okok pipkomyak gok sek wisik yokim angak.” Angek, angak rek giyak.

*Jiysis Nup Ñangning Gos Niñyak*  
(*Mat 26:1-5; Mak 14:1-2; Luk 22:1-2*)

<sup>45</sup> Jiwda biynimb Mariya nup niñning wiyak kun gok, kuñaynep rek Jiysis Lasaras nup gek tikjakak ak niñiy, Gor nep nup yokek wak angyi niñyak. <sup>46</sup> Pen gunap andkind bi Peresiy gok mindeyak ak amiy, Jiysis gak kun ak angñiyak. <sup>47</sup> Angñey, bi Peresiy gok sek, bi Gor nup simbongep yomb gok sek Jiwda kanjsol miytiyñ ak, ap nan-giy angyak, “Bi kun ak tap mageprek gisap ak, yerginjun? <sup>48</sup> Niñiy kirgon; nuk kun anep gek amek, biynimb mañgiyseki nup biyomb chin Gor yokek wip angey, Rom biyomb gok kiyn kiyk bap key angaysipay angyi, chinup girimey giy, Gor angnep korip chinup ak girimey giy giniñgambay angyak.”

<sup>49</sup> Pen simiy nokom kun anep, binak Kayapas nup angayeyak, nuk bi Gor nup simbongep yomb yimb ak mindek. Nuk miytiyñ namb ak tikjakiy angak, <sup>50</sup> “Nimbip sakiy ayip? Bi nokom bap kumek, chin mañgiyseki kim amemb rek ayniñgamb ak, tep yimb angak.”

<sup>51</sup> Pen angak kun ak, key ma angak; nuk simiy kun ak bi Gor nup simbonjep yomb yimb mindek ak mey, Gor niñiy gek, Jiysis Jiwda biynimb gok kuyip nen kumningamb angy minim kun ak angak. <sup>52</sup> Pen Jiwda nep mer: Jiysis Gor ñapan nuk miñmon okok mangyisek di jimñiy ay, kiñin nokom yimb mindeningiy rek ayek, minim kun ak angak.

<sup>53</sup> Pen Jiwda biyomb kun gok, ñin kun ak tikiy Jiysis nup yerer giy ñanngjun angy, anng amiy apiy giyingipay.

<sup>54</sup> Nup ñanngning gey mey, miñmon Jiwdiya mindiy misen ma giranngyngip. Binuk gok yip jiw am, dawin Yeprim biynimb kuñay ma mindyngipay gol sinjak mindyngipay.

<sup>55</sup> Pen Jiwda ñin yomb Pasopa angyak ak manman gakniñ, sun mindonjun angy, biynimb kuñaynep miñmon siskoy kiyk okok nimb Jerusalem apiy, Gor nup tap gunap pik simbonng ñiyng mindeyak. <sup>56</sup> Pen ap Gor angnjep korip mingan ak mindiy, Jiysis nup niñun angy, pen angnjek pen angnjek giy angyak, “Nimb yerip gos niñbim? Nuk Pasopa ñin biy winingamb akan mer angyak.” <sup>57</sup> Yenen: Bi Gor nup simbonjep yomb gok sek, bi Peresiy gok sek minim kilis bap angy angyak, “Nimb Jiysis nup niñiy, ap chinup angenimimb, nup am dand winingambun angyak.”

## 12

*Mariya Jiysis Nup Wel Ayñak*  
(*Mat 26:6-13; Mak 14:3-9*)

<sup>1</sup> Pasopa tap ñinñing giyak ak, ñin onep kangol anep mindakniñ, Jiysis Lasaras nup gek tikjakak miñmon ak amnak. Miñmon kun ak yimb Beteniy. <sup>2</sup> Amek, tap yomb ñinñun angyi, Lasaras ak, Jiysis ak, biynimb gunap sek pom yomb ar ak bising mindyakniñ, Mata keñmangyi gok bilok ñak. <sup>3</sup> Nunay Mariya pen, wel kuyrep maniy yomb yimb tawpay bap dapiy, Jiysis tomb ar ak songñiy, jun kas nuk ak diy wiykak. Kun gek, wel kuyrep kun ak, korip miñgan kun ak mangyisek tawek amek, <sup>4</sup> Jiwdas Yiskariyot, Jiysis binuk, nup kisen mimung gak ak angak, <sup>5</sup> “Maniy yomb yimb tawpay wel kun biy rek yokiy, maniy diy, biynimb tap ma mindip gok kuyip ñimbinup ak tep angak.” <sup>6</sup> Nuk kun angak ak pen, biynimb tap ma mindip gok kuyip ñining ma angak; maniy wand ak dand tangiy, gunap kapkap siy diyingip rek kun angak.

<sup>7</sup> Pen Jiysis angak, “Mariya nup ma angan. Wel kun ak yip komningambay ñin ak ayñining dayak ak mey, miñiy dap ayñimb. <sup>8</sup> Pen nimb biynimb yimgeprek gok yip, per mindeningambim; yand nimb yip per ma mindeningayn angak.”

### *Lasaras Nup Kapkap Ñangun Angyi Ninjak*

<sup>9</sup> Jiysis ap mindip miñmon Beteniy angey niñiy, Jerusalem biynimb kuñaynep niñning wiyak. Pen nup nep niñning ma wiyak; Lasaras bi Jiysis gek tikjakak anup kunep niñning wiyak. <sup>10-11</sup> Pen Lasaras nup gek tikjakak rek, biynimb kuñaynep Jiysis nup gosimb niñeyak, bi Gor nup simbongep



yomb gok, Lasaras nup kunep ñanġun anġiy gos ak niñyak.

*Kiñ Yomb Key Yimb Chin Ak Anġyakniñ Jerusalem Amnak*

*(Mat 21:1-11; Mak 11:1-11; Luk 19:28-40)*

<sup>12</sup> Minek, biynimb Pasopa tap ñiñning wiyak gok, Jiysis Jerusalem asaw anġey niñiy, <sup>13</sup> nup am niñun anġiy, alband kas tik dand apyinq, suk yomb anġyinq anġyak:

“Gor nup yimb ak dand aranjun!

Binuk, chinup Yisrel biynimb kond mindeniġamb ak yokek wip.

Bi kun biy mey: kiñ chin mindeniġamb.

Gor nup kond mindonimuñ anġyak.”

<sup>14</sup> Jiysis donġiy marip ar bisġiy amnak ak; Baybol buk ak nind tikiy anġyak rek nep gak. Minim kun ak tikiy anġyak,

<sup>15</sup> “Sayon biynimb. Ma piriknimimb. Kiñ nimb ak donġiy marip ar ak bisġiy asaw anġyak.”

<sup>16</sup> Gak ñin kun ak, binuk gok Gor giniġamb anġak rek nep gisap anġiy ma niñyak; pen kisen Jiysis kumiy tikjakek mey, Baybol buk ak tikiy anġyak rek giyak kun ak, niñrep yimb giyak.

<sup>17</sup> Pen biynimb Jiysis Lasaras nup gek tikjakek niñyak gok, minim kun ak anġ amiy apiy gi mindeyak ak mey, <sup>18</sup> biynimb kuñaynep tap mageprek gak kun ak niñiy, Jerusalem kirġiy, nup kinjeñnamb ak niñning amniyak. <sup>19</sup> Pen bi Peresiy gok niñiy, kiyk nep minim anġiy anġyak, “Niñim! Gi mer niñiy kirpun. Biynimb mankumb biy mañġysek nup kindik gispay anġyak.”

### *Griyk Biynimb Jiysis Nup Niñning Wiyak*

<sup>20</sup> Pen Pasopa ñin ak asaw angyi, Gor nup simbonḡniḡ Jerusalem wiyak ñin kun ak, Griyk biynimb gunap sesek wiyak. <sup>21</sup> Biynimb kun gok, bi Piyliyp miñmon nuk Betsayda Galiyliy propens nimb ak mey, ap nup niñiy angyak, “Buñgiy. Chin Jiysis nup niñning aswun angyak.”

<sup>22</sup> Kun anḡey, Piyliyp am Enjriw nup minim kun ak anḡñiy, omiḡal giy amiy Jiysis nup anḡñirik. <sup>23</sup> Anḡñer, Jiysis anḡak, “Miñiy Bi bap Ñinuk ñin yomb nuk ak wip ak mey, Nop gek yimb nup dand araniḡgambay. <sup>24</sup> Nimbip niñind yimb aspiyn. Wiyt mañgiy ak man biyaḡ yapek lum ñey nep, jakiy mañgiy kuḡaynep piyningamb. Pen man biyaḡ ma yowniḡgamb ak, tap bap ma giniḡgamb. <sup>25</sup> Biynimb man ar biy mindrep ginjun angyi nep niñiy gey amniḡgamb gok, mindrep ma giniḡgambay; pen biynimb man ar biy mindrep giniḡgambun akaḡ, mindrep ma giniḡgambun ak tap yikop angyi niñningambay gok; permindrep ak diniḡgambay. <sup>26</sup> Pen biynimb yip direp giniḡ, minim yip ak kindik giniḡgiy. Yip chiḡgiy mey; akay mindeniḡgayn ak, yip nep mindoniḡgambun. Pen Bapiy biynimb yip direp giniḡgambay gok kuyip direp giniḡgamb.

### *Jiysis Kumniḡgayn Anḡiy Minim Anḡak*

<sup>27</sup> “Miñiy yip miker gisap ak yerip anḡnim? Bapiy yip miker ñiniḡ gispan ak, kirgan anḡnim? Mer! Kun ma anḡnim. Miker kun ak diniḡ ownik. <sup>28</sup> Bapiy! Gos nand niñban rek yip gey, yimb nip ak aranimuḡ anḡak.”

Kun angakniņ, minim bap semb biyoņ nimb angak, “Yand genik yimb yip aranak ak pen; tip ak kunep geningayn araneκ niņningambay angak.”

<sup>29</sup> Pen biynimb mindeyak gok minim kun ak niņiy, gunap angyak, “Timuk asap angyak,” gunap angyak, “Enjol ak, Jiysis nup minim gunap angip angyak.”

<sup>30</sup> Kun angeyak, Jiysis kuyip angak, “Minim kun ak yip niņaņ angiy ma angip, nimbip niņim angiy angip. <sup>31</sup> Yenen: miņiy biynimb gok kuyip angiy giningayn rek, Gor kuyip pen giningambay ar ak niņiy mey, kuyip bilok keykey ayningamb. Miņiy gen, bi biynimb mankumb biy nimb gok kuyip kond mindip ak, apyap pikningamb. <sup>32</sup> Yip mon kiros bak biyoņ ñangbirik ayey, arachak Bapiy ker amen mey, biynimb miņmon keykey yip gosimb niņningambay angak.” <sup>33</sup> Pen Jiysis minim angak kun ak, chinup nen angiy kumningamb rek angak.

<sup>34</sup> Pen biynimb kuņaynep ap mindeyak kun gok, nup pen angyak, “Low minim buk chin ak tikiy angyak, Jiwda Kiyņ yomb key yimb ak pernep mindeningamb angyak ak pen, yergiy apan, ‘Bi bap Ñinuk nup mon kiros bak biyoņ ñangbirikningambay apan?’ Pen Bi bap Ñinuk apan ak, anup apan?”

<sup>35-36</sup> Angey angak, “Bi meliksek ak, nimb yip yep sikoy won bap nep mindeningamb. Mindip won biy nup chingiy mey, melik pis ak mindiy, akay amjipun angiy niņrep giningambim. Mer ak, kisyim ap nimbip yiwiņ dek, piņiy aran apyan gi mindeningambim. Kun ak, bi meliksek ak nup

mindip won biy chingiy, biynimb meliksek gok mindenimimb angak.”

*Jiwda Biynimb Jiysis Nup Ma Gos Ninjak*

Jiysis minim kun ak anjiy, nup miluk ninjak rek, yip ma ninjan anjiy am wikan bap key weying mindek. <sup>37</sup> Tap mageprek gok windin yirik ar kuyip ak gek ninjingipay ak pen; nup gosimb ma ninjak. <sup>38</sup> Giyak kun ak, bi Gor minim anjep Asaya Baybol buk tikiy angak rek nep giyak. Minim kun ak tikiy angak:

“Biyomb. Minim nip kuyip angñimbun ak ma dipay. Pen nand gipan ar ak ninjiy, nip gosimb ma ninbay angak.”

<sup>39</sup> Pen nup gosimb ma ninjak kun ak, Asaya minim ar bap tikak rek giyak. Tikiy angak:

<sup>40</sup> “Gor Yisrel biynimb gok kuyip gek, windin koy rek mindey, kuyip gos timund teprep ak ma ñiningamb. Yenen: nuk angak, kuyip gen windin ma ninjiy, gos timund teprep ak ma ninjiy, nup ker amon chinup sun ayingamb anjiy, yip ker ma winingambay angak.”

<sup>41</sup> Asaya wosrey minim anjiy tikak kun ak, Jiwda Kiyñ yomb key yimb ak bi teprep mindip rek ak day ninjiy tikak.

<sup>42</sup> Pen manjiysek Krays nup ma kirgiyak. Bi yomb yomb gunap sek nup gosimb ninjak ak pen; bi Peresiy gok chinup pisnep angyokey, kisen nan-gep korip ak ma amningambun anjiy, nup gosimb ninjak ak pen, biynimb gok kuyip misen ma angñiyak. <sup>43</sup> Giyak kun ak; Gor ninjek tep

ginimum ar ak kirgiy, biynimb gok yimb chinup dand araniyan angiy giyak.

*Jiysis Angip Ar Ak Ma Diy Kor Niņningambay*

<sup>44</sup> Pen Jiysis meņg mingan dand araniy angak, “Biynimb an yip gosimb niņningamb ak, yip nep mer; Bi yip angyokek winik ak nup kunep gosimb niņningamb. <sup>45</sup> Yip niņiy mey, Bi yip angyokek winik ak nup kunep niņbay. <sup>46</sup> Yand biynimb mankumb biy, melik kiyk ak opiyn. Biynimb yip ker opay gok, kisyimnamb okok ma mindeningambay.

<sup>47</sup> Yand winik ak biynimb okok kuyip kor giniņg ma winik; di Bapiy yip jimñiy ayniņg winik. Biynimb minim yip niņiy ma diniņgambay gok, kuyip kor ma giniņgayn. <sup>48</sup> Pen biynimb minim yip kirgiy, yip ma dipay gok ñin yomb kisen ak apek, Bapiy minim angñimbiyn ar ak diy, kuyip kor giniņgamb. <sup>49-50</sup> Yenen: minim apiyn gok, key niņiy ma apiyn; Bapiy minim nup ak niņey, nuk gek perper mindeniņgiy angiy, minim nup ak diy apiyn angak.”

## 13

*Jiysis Binuk Gok Tomb Kuyip Wasyim Gak*

<sup>1</sup> Ñin yomb Pasopa ak toy rek mindakniņ, miñiy rek ak siypsiyp ñiluk ma ñiņyak won ak, Jiysis niņak: Nop nup mankumb biy angayak ñin ak pandikek, andkind Nop ker amemb ñin ak owak. Pen biynimb nuk man ar biy wasemb yimb ayiņgip gok, wasemb ayiņg nep mind mind, nup ñaņg ayey kumiy Nop ker amnak. <sup>2</sup> Seytan

pen, Saymon ñinuk Jiwdas Yiskariyot nup gos ñek, Jiysis nup yergiy di biyomb gok kuyip ñiningayn angyi, gos ak nind nep niñek; kisen mey tap ñiñning bisgiyak. <sup>3</sup> Gor tap yerip yerip okok mangyisek di Ñinuk nup ñin ar ak ayak ak mey, kumiy andkind Nop ker amning gak rek niñiy, <sup>4</sup> tikjak chech paryomb nuk ak tungasikiy, tawil ak simbnang rek pongay, <sup>5</sup> ñiñg ak diys miñgan ak pangiy, binuk gok kuyip tomb ñiñg ay yokying, tawil pangak kun ak wiykyiñg gak.

<sup>6</sup> Kun gi dap dap, Saymon Piyta tomb nup ak ñiñg ay yokiyñ angek angak, “Biyomb. Tomb yip ak ñiñg ay yokniñg gispan?”

<sup>7</sup> Angek, Jiysis angak, “Miñiy gispiyñ ak ma niñban ak pen, mindiy niñningamban angak.”

<sup>8</sup> Angek, Piyta angak, “Biyomb! Tomb yip ak ñiñg ma ay yokniñgamban. Mer yimb angak.”

Angek, Jiysis angak, “Tomb nip ma ñiñg ay yokniñgayñ ak; bi yand yimb ma min-deningamban angak.”

<sup>9</sup> Angek, Saymon Piyta angak, “Biyomb! Tomb yip anep ma ñiñg ay yoknimin; ñin kind gok sek, jun ak sek ñiñg pikñinimin angak.”

<sup>10-11</sup> Kun angak ak pen, Jiysis angak, “Biynimb gok ñiñg pikyokey, mumbwak okok mangyisek tep mindip ak pen; kinjen girangey tomb kind ak gach gip rek, tomb kind anep ñiñg ay yokpay angak.” Pen Jiysis bi nup mimung giniñg gak ak niñak ak mey angak, “Nimb gunap gach ma mindip; nokom bap nep gach sek mindip angak.”

<sup>12</sup> Pen tomb kuyip ak ñiñg ay yokdiy, chech tungasik ayak ak ay, am bisgiy angak, “Nimbip

tomb ñiᅇg ay yokpiyn minim kiñiᅇ ak, niᅇbim akaᅇ? <sup>13</sup> Yip Tiysa aᅇgiy, Biyomb aᅇgiy gipim ak, niᅇind apim. <sup>14</sup> Kun ak yand Biyomb mindiy, tomb nimbip ñiᅇg ay yokpiyn ak, nimb namam gunap kuyip tomb ak ñiᅇg ay yoknimimb. <sup>15-16</sup> Nimbip niᅇind yimb aspiyn: biyomb kond mindep gok sikoy, biynimb woᅇg kuyip giñimbay gok yomb ma mindpay. Pen bi minim yokpay gok sikoy, biynimb minim kuyip dand ambay gok yomb ma mindpay. Kun ak yand Biyomb nimb mindiy, monmon woᅇg giñimbiyn rek, nimb kunep ginimimb. <sup>17</sup> Miñ tep ar kun ak aᅇgñambiyn niᅇbim ak mey; ar kun ak gem amek tep giniᅇgamb.

<sup>18</sup> “Pen nimbip dipiyn gok, niᅇrep gipiyn ak mey, maᅇgiyseᅇ gek tep giniᅇgamb aᅇgiy ma aspiyn. Bi bap yip mimuᅇg giniᅇg gisap ak, Baybol buk ak tikiy aᅇgyak rek nep giniᅇgamb. Minim kun ak tikiy aᅇgyak, ‘Bi yand yip tap jimñiy ñimbur ak, tuᅇgandikiy yip timey gisap aᅇgyak.’ <sup>19</sup> Nimbip nind kun giy aspiyn ak mey, kisen gek, Biyomb aᅇgak rek nep gisap aᅇgiy, yand Biyomb yerip rek mindpiyn ak niᅇiy, yip gosimb niᅇniᅇgambim.

<sup>20</sup> “Pen nimbip niᅇind yimb aspiyn: biynimb yand gunap aᅇgyoken amey, biynimb kuyip dipay gok, kuyip nep mer; yip sek dipay. Pen yip dipay gok, yip nep mer; Bi yip yokek winik anup sek dipay aᅇgak.”

*Jon Jiysis Nup, An Nip Mimung Giniᅇgamb Aᅇgiy Anᅇniᅇak*

*(Mat 26:20-25; Mak 14:17-21; Luk 22:21-23)*

<sup>21</sup> Jiysis minim kun ak angek, nup miker yimb gek angak, “Nimbip niñind yimb aspiyn: nimb bap yip mimung gem ñangningambay angak.”

<sup>22</sup> Kun angek, binuk gok an nup asap angyi, gos par ayiñ penpen niñyak. <sup>23</sup> Pen Jiysis binuk wasemb yimb ayiñgip ak, kiñiñ siñak bisinğ mindek ak mey, <sup>24</sup> Saymon Piyta bi kun anup ñin anep yomiy angak, “An nup asap ak angninan angak.”

<sup>25</sup> Angek, Jiysis mindek siñak bibenind amiy angak, “Biyomb! Bi kun ak an nup apan?”

<sup>26</sup> Angek angak, “Bi biret ak diy, ñiñ sup biyan tawiy ñiniñgayn anep angak.” Kun angyi biret ak diy, di ñiñ sup biyan tawiy, di Saymon ñinuk Jiwdas Yiskariyot nup ñek ñiñak. <sup>27</sup> Seytan pen won kun anep, ap Jiwdas nup molik sikakniñ, Jiysis nup angak, “Giniñ gispan ak, kasek gan angak.” <sup>28-30</sup> Angek, Jiwdas mis amnakniñ, day kisyim owak. Pen binuk gunap, Jiwdas nup yenen kun asap angyi ma niñyak. Kiyk angninyak-en, nuk maniy wand kond mindip rek, Pasopa tap ñiñningambun gok tawan angyi akan; biynimb tap ma mindip gok kuyip, maniy gunap ñan angyi asap angyak.

### *Low Kisenimb Ak*

<sup>31</sup> Jiwdas kun giy mis amnakniñ, Jiysis angak, “Miñiy bi bap Ñinuk, Nop angyi rek geningamb mey, Nop gek yimb nup araniñgamb. <sup>32</sup> Pen Ñinuk yimb ak araniñgamb rek, Nop yimb ak kunep araniñgamb ak mey, miñiy ñin biy nep Nop gek, Ñinuk nup yimb ak araniñgamb.



<sup>33</sup> “Ñapan yand guniy! Nimb yip tapin ma mindeningayn. Amen, yip piyow mer ninningambim. Jiwda kay kuyip apiyn rek, nimbip kunep aspiyn. Yand amjipiyn ar ak, kisen amnimimb rek ma ayningamb.

<sup>34</sup> “Pen miñiy nimbip low kisenimb bap angñining gispiyn. Low kisenimb kun ak mey, nimb key penpen wasemb aynimimb. Yand nimbip wasemb aypiyn rek, nimb kunep penpen wasemb aynimimb. <sup>35</sup> Kun geniñgambim, biynimb gok yip ker mindpim ak ninrep giningambay angak.”

*Jiysis Piyta Nup, Bi Kun Ak Ma Ninbiyn Angningamban Angak*

*(Mat 26:31-35; Mak 14:27-31; Luk 22:31-34)*

<sup>36</sup> Kun angak, Saymon Piyta angak, “Biyomb. Nand akay amning gispan?”

Angak, Jiysis angak, “Yand amjipiyn okok miñiy yip kindik ginimin rek ma ayip. Pen kisen mey, yip kindik giningamban angak.”

<sup>37</sup> Angak, Piyta angak, “Yenen nip miñiy kindik ma giningayn? Nip konden yip ñangayningambay ak, minim ma mindip angak.”

<sup>38</sup> Angak, Jiysis pen angak, “Nand yip nen kumiyn angiy gos nokom ninban? Nip ninind yimb aspiyn; kakaruk kisen suk angningamb; nind nep, yand nup ma ninbiyn angiy, won omiñal nokom angningamban angak.”

## 14

*Jiysis Mey, Kinjenram Gor Ker Amemb Ak*

<sup>1</sup> Pen Jiysis angak, “Gos yomb ma niñnimimb. Bapiy nup gosimb niñiy, yip gosimb niñiy ginimimb. <sup>2</sup> Bapiy korip nuk ak, tip kuñaynep mindip. Yand amiy, tip nimbip wikan gunap gayrep geniñgayn. Pen tip kuñay ma mindombikop ak, nimbip ma apnip. <sup>3</sup> Yand am tip nimbip ak gayrep giy mey, apiy nimbip poñind amniñgayn. <sup>4</sup> Amniñg gispiyn kinjeñ ar ak nimb niñbim angak.”

<sup>5</sup> Jiysis kun angek, Tomas angak, “Biyomb! Akay amjipan? Chin ma niñbun. Kun ak yergiy, kinjeñ amniñgamban ar kun ak niñiy amniñgambun angak.”

<sup>6</sup> Angek angak, “Yand nep mey, kinjeñram ak; yand nep mey minim yipul yimb ak, yand nep mey, gen biynimb perper mindeniñgambay. <sup>7</sup> Yip niñrep giy mey, Bapiy nup kunep niñrep gipkip. Pen mañ mindip, yip niñrep giniñgambim rek, nup kunep niñrep giniñgambim angak.”

<sup>8</sup> Kun angek, Piyliyp angak, “Biyomb! Nap nup chinup yomniñgamban ak, tep angak.”

<sup>9</sup> Angek, Jiysis angak, “Piyliyp. Nimb yip per mindpiyn ak pen, yip ma niñiy kun aspan? Biynimb yip niñbay gok, Bapiy nup niñbay. Kun ak yergiy aspan, ‘Bapiy nup chinup yomey niñjun aspan?’ <sup>10</sup> Yand Bapiy yip mindpiyn; nuk yand yip mindip. Kun ak yenen, Nop yip apiymiñay giy mindpiyr angiy gos ak ma niñban? Minim nimbip apiyn gok, yand keynep ma apiyn; Bapiy yip apur. Pen tap yerip yerip gipiyn gok, keynep ma gipiyn; Bapiy yip nep gipur. <sup>11</sup> Kun ak yand Bapiy yip mindpiyn; nuk yand yip mindip minim

ak, niḡind aḡiy niḡnimimb. Pen gos kun ak niḡep rek ma ayek, yerip yerip gipiyn gok niḡiy, Nop yip mindiy mey, kun gip aḡiy gos ak niḡnimimb.

<sup>12</sup> “Nimbip niḡind yimb aspiyn: Biynimb yip gosimb niḡniḡambay gok, yand gipiyn rek giniḡambay. Pen Bapiy ker amniḡayn rek, nimb biy mindiy key yimb giniḡambim. <sup>13</sup> Jiysis mindip rek nip aḡniḡsipun aḡiy, Bapiy nup aḡniḡeniḡambim, yand yimb nup aranaḡ aḡiy, aḡniḡambim rek giniḡayn. <sup>14</sup> Kun ak yimb yip ak diy aḡniḡem, aḡniḡambim rek giniḡayn.

*Nimbip Gor Kawnan Ak Yokniḡayn Aḡak*

<sup>15</sup> “Yip wasemb ay mey, minim yip ak kindik giniḡambim. <sup>16</sup> Yand Bapiy nup aḡniḡen, bi Noman nuk ak yokek apiy, nimb yip perper mindeniḡamb. <sup>17</sup> Bi Noman kun ak mey, Gor Kawnan minim yipul yimb aḡip ak nep. Biynimb yikop Gor ker ma mindpay gok, bi kun mey ak aḡiy ma niḡbay; windin kunep ma niḡbay; aḡniḡey kuyip bak aynimuḡ rek ma ayip. Pen nuk nimb yip mindiy, kisen pisnep bak ay mindeniḡamb ak; nup niḡbim. <sup>18</sup> Kun ak nimbip pisnep kiriḡ amen, biynimb yimgeprek ma mindeniḡambim. <sup>19</sup> Biynimb yikop Gor ker ma mindpay gok, yip yep won bap nep niḡiy, kisen ma niḡniḡambay. Pen yand bi kim mindep ak, kim mindeniḡayn rek; nimb kunep kim mindiy, yip niḡniḡambim. <sup>20</sup> Niḡin kun ak, yand Bapiy yip mindpur ak niḡrep giniḡambim. Nimb yand yip mindpim, yand nimb yip mindpiyn ak; kunep niḡrep giniḡambim. <sup>21</sup> Nimb biynimb minim yip niḡiy dipim gok, yip wasemb ay mey

minim yip dipim. Pen yip wasemb aypim rek, Bapiy nimbip kunep wasemb ayip. Yand pen nimbip wasemb ayipyn rek, nimbip Gor Kawnan ak yoken, yip niṅrep giniṅgambim aṅgak.”

<sup>22</sup> Jiysis kun aṅgek, Jiwdas nup mimuṅgak ak mer: Jiwdas bap nup aṅgak, “Biyomb! Yergiy chin nip niṅrep giniṅgambun: pen biynimb yikop gok nip ma niṅniṅgambay?”

<sup>23</sup> Aṅgek aṅgak, “Biynimb yip wasemb aypay gok, minim apiyn ak niṅdipay. Kun giy niṅdey mey, Bapiy chirapiy kuyip wasemb ay, ap kiy yip mindiy, kond mindpur. <sup>24</sup> Biynimb yip wasemb ma aypay gok, apiyn rek ma gipay. Minim yip ma dipay kun ak, minim yand mer; Bi yip aṅgyokek winik ak, minim nup ak ma dipay.

<sup>25</sup> “Nimb yip mindpiyn ñin biy, minim kun biy aṅṅñispiyn. <sup>26</sup> Amen; Bapiy nuk pen, bi Noman nimbip apiyn ak yokeniṅgamb mey, nuk apiy nimbip kond mindakniṅ, minim apiyn gok gos niṅyṅg nep mindiy, niṅrep yimb giniṅgambim. <sup>27</sup> Amjipiyn rek, nimbip aspiyn: Gor nimbip kond mindenṅ. Minim kun ak biynimb yikop gok monmon apay rek ma aspiyn; Gor nimbip kond mindakniṅ, kapkap mindrep giy, gos yomb ma niṅnimimb aṅgiy aspiyn. Kun ak ma piriknimimb.

<sup>28</sup> “Yand amiy andkind winiṅgayn apiyn ak niṅiy, yenen simb gakniṅ mindpim. Am Nop yip mindniṅ gisap aṅgiy, miñmiñ giyiṅg nep mindembikip. <sup>29</sup> Kun ak nup ker ma ambiyn ñin biy, nimbip aspiyn ak mey, kisen ameniṅgayn, gos okok ma piyow niṅniṅgambim; yip Gor Ñinuk yimb aṅgiy; niṅrep yimb giniṅgambim. <sup>30</sup> Bi

biynimb yikop gok kuyip kond mindip ak miñiy asaw ak mey, minim paryomb angnim rek ma ayip. <sup>31</sup> Pen bi biynimb yikop gok kond mindip kun ak, kilis nuk ma mindip. Yand Bapiy anjip rek giniᅇgayn ak mey; Bapiy nup wasemb aypiyn ak niᅇrep giniᅇgambay. Kun ak apem amnun.

## 15

### *Miñ Wayn Ak Sek Piñ Alik Gok Sek*

<sup>1</sup> “Yand mey miñ wayn junj ak; Bapiy mey bi woᅇgday nop nimb ak. <sup>2</sup> Alik maᅇgiy ma piyip gok, Bapiy nuk timbsak yokip. Pen alik piyrep gip gok, kuᅇaynep piynimuᅇ anjy timbrik tep gek, kuᅇaynep piyip.

<sup>3</sup> “Nimbip minim tep anᅇᅇen niᅇbim rek, suᅇrep mindpim ak mey, ma timbsak yokniᅇgamb. <sup>4-6</sup> Pen alik kind gok, junj ak sek jimñiy mindiy nep maᅇgiy piyniᅇgamb; key mindiy maᅇgiy ma piyniᅇgamb.

“Yand mey miñ wayn junj ak; nimb mey piñ alik gok. Kun ak an yip yimñiy mindeniᅇgamb ak, maᅇgiy kuᅇay yimb piyniᅇgamb; pen an yip yimñiy ma mindeniᅇgamb ak, mon alik timbsak yokey milip giyapek, di mon daᅇgiypay rek ak mindeniᅇgamb. <sup>7</sup> Pen minim apiyn gok niᅇyᅇᅇ, yip chiᅇgiy nep mindem mey; minim yerip anᅇniᅇniᅇgambim ak; anᅇniᅇgambim rek giniᅇgayn. <sup>8</sup> Nimb mindrep yimb giniᅇgambim rek, biynimb yand mindpim ak niᅇy, Bapiy nup yimb ak dand araniᅇgambay.

<sup>9</sup> “Bapiy yip wasemb yimb ayip rek, nimbip pen kunep wasemb yimb aypiyn. Kun ak, penpen

wasemb aying mindenimimb. <sup>10</sup> Yand Bapiy nup minim ak kindik gen, yip wasemb aying nep mindip; kun ak minim yip ak kindik giningambim rek; nimbip wasemb aying nep mindeningayn.

<sup>11</sup> “Pen minim aspiyn gok niñiy mindrep gem mey, yip tep yimb giningamb rek, nimbip kunep giningamb. <sup>12-13</sup> Pen minim bap aspiyn ak: nimbip wasemb yimb aying, nimbip angyi kumningayn rek; nimb key kunep penpen wasemb aying mindenimimb. <sup>14</sup> Apiyn ar ak giningambim rek, bungyi yand yimb gok mindeningambim. <sup>15</sup> Miñiy tikiy, nimbip bi wong giñemb ma angningayn; bungyi wong along yand gok angningayn. Bi wong giñemb gok, kond mindep kiyk ak gisap ar ak, giningamb ar ak angyi, ma niñbay; pen Bapiy minim yerip yerip yip angnimb gok, nimbip angnimbiyn ak mey, bungyi wong along yand mindpim. <sup>16</sup> Nimb yip dun angyi ma dipik, gos yand key niñiy, mangyi piy perper mindeningamb ak piyningiy angyi, nimbip diy, wong ar kun ak yoknik. Kun ak nimb mangyi tep gok piying, Bapiy nup Jiysis biynimb nuk mindpun angyi angneningambim, angningambim rek giningamb.

<sup>17</sup> “Kun ak nimbip aspiyn: penpen wasemb aying mindenimimb.

*Biyimb Yikop Gok Jiysis Biynimb Nup Gok Kuyip Miluk Niñingambay*

<sup>18</sup> “Pen biynimb yikop gok nimbip miluk niñey, gos yomb kun ak ma niñnimimb; Jiysis nup miluk niñyak rek nep chinup gispay angyi niñnimimb.

<sup>19</sup> Pen miñ ar kiyk ak gembikip, biynimb chin

anġiy, di wasemb ayyiyap. Wosrey nimbip ma dinik ñin ak, miñ ar kun ak gi mindyngipim ak pen, nimbip key niñiy denik, yip ker mindem, nimbip miluk niñbay. <sup>20</sup> Pen niñbim! Nimbip anġnik, ‘Bi kond mindep gok sikoy, biynimb kuyip wong giñimbay gok yomb ma mindpay anġnik.’ Kun ak yip timey giy, nimbip kunep giniñgambay. Pen minim yip gok diy rek, minim nimbip gok kunep diniñgiy. <sup>21</sup> Nimbip monmon giniñgambay kun ak, biynimb yand mindpim rek kun giniñgambay. Bi yip yokek winik anup, ma dipay rek kun giniñgambay.

<sup>22</sup> “Pen yand ap kuyip minim tep ma anġñembini, tap siy tap timey gipay ak, minim yomb yimb ak ma dipyap. Pen ap kuyip anġñirep gen, yip ma dipay ak; minim gunap anġiy kim amniñgiy rek ma ayniñgamb. <sup>23-24</sup> Miker yomb kun ak rek ma dipyap ak pen; ap tap mageprek gok gen niñiy yip kirpay ak, miker yomb yimb ak diniñgambay.

“Pen yip miluk niñbay ak, yip nep mer; Bapiy nup kunep miluk niñbay.

<sup>25</sup> “Gipay kun ak, Depiyt tikiy anġak rek nep gipay. Nuk Jiwda kay low chin, low chin apay buk ak tikiy anġak, ‘Minim junj mindek mer: yip yikop nep miluk niñbay anġak.’

<sup>26</sup> “Pen yand am Bapiy nup anġen, bi Noman apiyn ak nup yokek, ap nimbip kond mindeniñgamb. Noman minim niñind nep anġip kun ak, yand bi yerip rek ak, nimbip gos ñek niñniñgambim. <sup>27</sup> Pen nimb kiñiñ giy yand yip

nep mindpun ak, nimb kunep biynimb gok kuyip, yip bi yerip rek ak angyi angniningambim.

## 16

<sup>1</sup> “Nimbip minim kun giy apiyn ak niņrep giy mey, kisen yergek, yip ma kirgiy, ma apyap pikningambim angyi apiyn. <sup>2-3</sup> Yenen: nimbip Jiwda nan-gep korip gok anğ mis yokiy, tip ma winimimb angningambay. Kun anep mer; kisen Bapiy chirupapiy ma niņbay rek, gos yesek ar gok niņiy, Gor nup tep ginimuņ angyi, nimbip pikayning nep gi mindeningambay. <sup>4</sup> Pen nimbip nind angnispiyn ak mey, kisen yergek niņiy, anğak rek nep gisap angningambim.

### *Gor Kawnan Winingamb Anğak*

“Pen nimb yip nep mindyngipiyn rek, minim kun ak ma anğnik; <sup>5</sup> miņiy bi yip yokek winik ak ker andkind amjipiyn rek, nimbip aspiyn. Pen nimb bap, akay amjipan angyi, ma anğniņsipim. <sup>6</sup> Amjipiyn angen niņiy, mindmangyi nimbip ak piņiyņiy nep ayek, minim ma aspim.

<sup>7</sup> Pen amjipiyn ak, tep yimb amjipiyn. Yand amen nep mey, bi Noman nimbip kond mindeningamb ak winingamb. <sup>8</sup> Nuk apiy mey, biynimb yikop gok kuyip gos ñek, gach sek mindpay ak niņiy, yergiy suņ-tep mindeningambay ak niņiy, Gor niņek minim yomb mindip kiņiņ ak niņiy giningambay. <sup>9</sup> Kun ak yip gosimb ma niņbay rek, bi Noman kun ak, kuyip gach sek mindpim angningamb. <sup>10</sup> Yand kumiy tikjakiy am Bapiy yip mindeningayn rek, kuyip angningamb, ‘Biynimb suņ-tep mindniņg, biynimb suņ-tep



nuk mindeningambim angningamb.’ 11 Pen bi timey biynimb yikop gok kuyip kond mindip ak nup, talak miŋgan ayningsipiyn rek, kunep angningamb.

12 “Minim yand kuŋaynep mindip ak pen; minim kun gok miñiy anŋen, niŋdinimb rek ma ayip. 13-14 Pen Gor Kawnan niŋind nep anŋip ak apiy, minim nuk key gunap diy ma gos ñiningamb; Gor angningamb minim anep gos ñiyiŋ; nimbip kisen giningamb minim ak gos ñek niŋningambim. Nuk minim yipul yimb ak, nimbip gos ñek niŋiy mindrep gem, yimb yip araningamb. 15 Pen Bapiy key, yand key mer; minim chirapiy ak ar nokom yimb mindip ak mey, Gor Kawnan nuk ak nimbip gos ñek, minim yipul yimb yip ak niŋningambim.

16 “Yep won bap mindip, yip ma yimb niŋningambim; pen kisen yep won bap mindiy, tip ak niŋningambim anŋak.”

17-18 Jiysis kun anŋek, binuk gok kiyk keynep anŋyak, “Sikoy won bap mindiy, Bapiy ker anningayn; pen sikoy won bap mindiy, yip tip ak niŋningambim anŋip minim ak yerip?”

19 Kun anŋiy, Jiysis nup angning geyak, nuk key niŋiy anŋak, “Yep won ak yip ma niŋningambim; pen yep won bap mindiy, yip tip ak niŋningambim apiyn ak niŋiy mey, penpen angningsipim? 20 Nimbip niŋind yimb aspiyn: biynimb yikop gok miñmiñ giningambay; pen nimbip simb gek, siy anŋ mindiy, tip ak tep gakniŋ mindeningambim. 21 Biyn gok ñapan ñiŋakniŋ, gos yomb niŋbay ak pen; won ak tikey,

kuyip tep yimb gip. <sup>22</sup> Nimb biyn ñapan ñiñakniñ, gipay kun ak rek gi mindpim ak pen; yip tip ak niñem nimbip key yimb tep gek, biynimb gunap gey, miñ kun ak pungriknimuñ rek ma ayniñgamb.

<sup>23</sup> “Nimbip niñind yimb aspiyn: ñin kun ak yip ma añgniñningambim. Miker nimbip gunap mindonimuñ, Bapiy nup Jiysis mindip rek, nip añgniñsipun añgiy, añgniñeniñgambim añgniñgambim rek giniñgamb. <sup>24</sup> Nind kun ak rek ma gipik ak pen, miñiy Jiysis mindip rek, nip añgniñsipun añgiy añgniñem, añgniñningambim rek gek, nimbip tep yimb giniñgamb.

<sup>25</sup> “Bapiy minim nup ar ak añgniñg, per minim paydoñ ay apiyn ak pen; miñiy tikiy minim kun ak rek ma añgniñgayn; misen nep añgniñgayn.

<sup>26</sup> Ñin kun ak apek, Bapiy nup Jiysis mindip rek, nip añgniñsipun añgiy añgniñeniñgambim, añgniñgambim rek giniñgamb. Pen minim apiyn kun ak yip añgniñem, yand pen nup añgniñningayn añgiy, ma aspiyn. <sup>27</sup> Bapiy nep yip yokek winik ak niñiy, yip gosimb niñbim ak mey, nuk key nimbip wasemb ayip. <sup>28</sup> Bapiy nep yip yokek, man ar biy winik ak mey, miñiy tip ak nuk ker anjipiyn aňgak.”

<sup>29</sup> Jiysis kun aňgek, binuk gok aňgyak, “Miñiy minim bak okok ay ma aspan; misen yimb aspan ak mey, <sup>30</sup> chin niñbun: nand minim okok mañgiyseñ niñban. Biynimb gunap minim añgniñep kiyk mindek, nip ma añgniñbay won ak, key niñiy kuyip aňgñimban. Gipan kun ak chin niñbun: nand Gor yip mindiy winak aňgyak.”

<sup>31</sup> Kun anğeyak, Jiysis anğak, “Kun ak miñiy niñrep gipim? <sup>32</sup> Niñim! Yep mañ mindip, yip kirgiy keykey amem, key asiy mindeniñgayn. Pen key asiy ma mindeniñgayn; Bapiy yip mindpur rek mindoniñgambur.

<sup>33</sup> “Pen yand yip jimñiy mindiy, gos yomb ma niñnimimb anğiy, nimbip minim anğñimbiyn. Lum ar biy mindiy, nimbip miker giniñgamb ak pen; gos sek mindenimimb. Tap yerip yerip nimbip ginimuñ rek gok, mañgiysek di talak miñgan yand ak ayniñgsipiyn anğak.”

## 17

### *Jiysis Nop Nup Anğniñak*

<sup>1</sup> Jiysis minim kun ak anğjiwiyy, kuyonğiy niñiy anğak, “Bapiy. Ñin yip anğaynak ak miñiy wip. Kun ak yip anğnak rek gey, Biyomb minden, yimb nip ak aranimuñ. <sup>2</sup> Yip key anğnak rek, biynimb okok mañgiysek niñmindiy, biynimb yip anğaynak gok kuyip den perper mindeniñgambay. <sup>3</sup> Tap gunap anğniñbay gok anğniñiy akan; ar gunap key giy perper ma mindeniñgambay; nand Gor mindpan ak niñiy, yip yoknak ak niñiy mey, kuyip dor perper mindeniñgambay.

<sup>4</sup> “Yimb nip aranimuñ anğiy yip wonğ anğnak ak; gi dand amiy gi diniñ gispiyn. <sup>5</sup> Miñiy gey kumen, miñmon ma gayruk ñin ak, omiñal giy Biyomb tep meliksek mindoruk rek mindonjur.

<sup>6</sup> Biynimb nip gosimb ma niñeyak yip anğnak gok, miñiy yip ker mindpay. Nak ker mindembiyap ak pen, yip anğenak mey, yip ker mindpay. Kuyip nand bi yerip rek ak anğiy, anğñirep gen,

nip gosimb niñiy, minim nip ak diy kisen gipay. <sup>7</sup> Pen yerer gipiyn ak, keynep ma gipiyn; yip gos ñimban ar ak nep gipiyn ak niñbay. <sup>8</sup> Minim aņgnimin aņgnak gok, kuyip aņgñen niñbay ak mey; nand nep yip aņgyokenak winik ak, kunep niñrep yimb gipay.

<sup>9</sup> “Biynimb yip aņgnak kun gok, biynimb nand mindpay rek, kuyip kond mindenimin aņgiy, nip aņgniņsiypiyn. Biynimb yikop gok kuyip ma aspiyn; biynimb nip ker mindpay gok kuyip, kond mindenimin aņgiy asipiyn. <sup>10</sup> Biynimb yand gok key, biynimb nand gok key mer, biynimb chirapiy ak mey, yimb yip dand aranbay.

<sup>11</sup> “Pen mindpan ak niniņgayn rek, kiyk keynep mindeniņgambay. Bapiy Gor. Nand Biyomb mindpan rek, yip aņgenak kunep mindpiyn ak mey, chirapiy bi nokom rek ayip. Kun ak rek kuyip kond mindenimin, kiñiņ nokom jimñiy mindeniņgiy. <sup>12</sup> Yand kiy yip nep minden, bap ma kurgip; maņgiysek nip chiņgiy mindpay. Bi yiwur diyn aņgiy niñimb anep, Baybol buk giniņgamb aņgiy tikyak rek, nip ker ma mindip.

<sup>13</sup> “Pen mindpan ak niniņg gispiyn rek, miñiy kiyk niñmindyakniņ, nip minim kun biy aņgniņsiypiyn. Aņgniņsiypiyn kun ak niñey, yip tep gisap rek, kuyip kunep ginimuņ aņgiy aspiyn. <sup>14</sup> Minim nip ak aņgñen niñbay rek, biynimb yikop gok, kuyip miluk niñbay. Yand bi yikop nip gosimb ma niñimb bap rek ma mindpiyn ak mey, kiyk kunep mindey kuyip miluk niñbay. <sup>15</sup> Pen kuyip dand amey, biynimb yikop gok yip ma mindeniņgiy aņgiy ma aspiyn; kuyip man ar biy

kond mindenimin, Seytan gek timey ma giniņgiy aņgiy aspiyn. <sup>16</sup> Yand bi yikop nip gosimb ma niņimb bap rek ma mindpiyn ak mey, kiyk kunep mindpay. <sup>17-18</sup> Nand biynimb yikop gok kuyip gos niņiy yip yokenak winik rek; yand pen, biynimb yand yimb gok, biynimb yikop gok kuyip nen miñmon keykey yoksiyiyn. Kun ak kuyip gey suņ-tep mindiy, minim yipul yimb nip ak niņnep mindyiņg, nip marik giniņgiy. <sup>19</sup> Yand bi marik nand yimb mindpiyn rek, kuyip aņgiy yiwur den, kiyk kunep biynimb marik nand yimb gok mindeniņgiy.

<sup>20</sup> Kuyip nep ma aņgniņsiyiyn; kiy minim aņgey, yip kisen gosimb niņniņgambay gok kuyip sek nip aņgniņsiyiyn. <sup>21</sup> Chirapiy keykey mer, bi nokom yimb mindpur rek, biynimb yip gosimb niņbay gok, maņgiysek jimñiy kun ak rek mindey, biynimb yikop gok niņiy, nand nep yip yokenak winik ak niņniņgiy.

<sup>22</sup> Yip gey, nand bi teprep mindpan rek mindpiyn ak; kuyip kun ak rek gen, chir jimñiy mindpur rek mindeniņgiy. <sup>23</sup> Kun ak nand, yand yip nep mindpan rek, yand kiy yip nep minden mey; kiyk jimñiy mindeniņgiy. Jimñiy mindyakniņ, biynimb yikop gok nand nep yip yokiy, yip wasemb ay, biynimb yip gok kuyip wasemb ay gipan ak niņniņgiy.

<sup>24</sup> “Bapiy! Yip tep gip ak; biynimb yip aņgnak gok, yand yip nep mindiy mey; miñmon ma alwol gayruk ñin ak yip wasemb ay, biyomb yimb mindonimuņ aņgiy niņaynak rek mindnikniņ, yip niņniņgiy.

25 “Bapiy! Nand mey Bi suņrep! Biynimb man ar biy yikop gok nip ma niņbay; yand nip niņbiyn. Nip niņbiyn ak mey, biynimb yand guniy kuyip anğnen; nand nep yip yokenak winik ak niņbay. 26 Pen miņiy giniņgayn rek niņiy, nip Bi yerip rek ak niņrep giniņgambay. Kun ak kuyip gos tep ñenimin, yip wasemb aypan ak niņrep giniņgiy. Pen yand kiy yip minden, nand biynimb wasemb aypan rek giniņgiy anğak.”

## 18

### *Jiysis Nup Chichiy Diyak*

*(Mat 26:47-56; Mak 14:43-50; Luk 22:47-53)*

1-2 Jiysis Nop nup kun giy anğniņiy, binuk gok yip ñiņg sikoy Kiydron par ak tikiy, pis tawakdon ken amiy, mon oliyp wong per am nan-giyiņgipay miņgan ak amniyak. Pen Jiwdas bi Jiysis nup mimuņg gak ak, tip kun ak niņrep gak rek, Peresiy bi gok sek, bi Gor nup simbonğep yomb gok sek nup anğeyak, <sup>3</sup> am amiybi gunap, Jiwda poliys gunap poņind, sup gunap, lam gunap baynat tap gok gunap diy, dand mindeyak kun ak amjakyak. <sup>4</sup> Pen Jiysis nup tap yerip giniņg gak ak key niņak rek, apeyak siņak amiy anğak, “An nup piyow taspim?”

<sup>5</sup> Anğek anğyak, “Jiysis, bi Nasaret nimb ak anğyak.”

Anğey anğak, “Bi kun ak mey yand biy anğak.” Anğak won kun ak, Jiwdas kiy yip kun siņak mindek. <sup>6</sup> Pen Jiysis yand biy anğek, ak Gor nep anğiy, kiyk sumb sumb ken liņg amiy, gindam pikyak.

<sup>7</sup> Pen kuyip tip ak angak, “Anup piyow taspim?” Angek angyak, “Jiysis bi Nasaret nimb ak angyak.” <sup>8</sup> Angey angak, “Nimbip mindarik apiyn, ‘Bi kun ak mey yand mindpiyn biy.’ Yip piyow tangiy ker, bi guniy kuyip kirgem amningiy angak.” Kun angek, binuk gok kuyip kirgiy nup nep diyak.

<sup>9</sup> Giyak kun ak, Jiysis nind Nop nup lotiw giy, angak rek nep gak. Nuk angak, “Bapiy. Bi yip angnak gok, bap ma kurgip angak.”

<sup>10</sup> Pen won kun ak, Saymon Piyta baynat dand owak ak liping diy, bi bap nup timund yipund kind ak, pisnep timbrik yokak. Yimb nuk Malkas. Gor nup simbongep biyomb yimb anup wong giñiyingip. <sup>11</sup> Piyta kun gek, Jiysis angak, “Baynat ak dipan okok tip lingey amnan! Ning silik kap Bapiy yip nimb ak, ma ninnimun angiy ninban?”

<sup>12</sup> Kun angakniñ, amiybi gok sek, Jiwda poliys gok sek Jiysis nup chichiy diy, tiwningrimbikiy angyak, <sup>13</sup> “Nup dand Anas korip ak nind amjun angiy,” dand Anas mindek ak amniyak. Bi Anas kun ak, Kayapas numok nuk. Kayapas mey Gor nup simbongep yomb yimb ak, simiy nokom kun ak angayeyak wong gi mindek. <sup>14</sup> Nuk nep mey, nind Jiwda kanjsol gok kuyip angak, “Bi nokom bap kumek, chin Jiwda mangiysek kim amemb rek ayingamb ak, tep yimb angak.”

*Piyta Jiysis Nup Ma Ninbiyn Angak*

*(Mat 26:69-70; Mak 14:66-68; Luk 22:55-57)*

<sup>15</sup> Pen Jiysis nup kun giy dand Anas korip ak amniyakniñ, Saymon Piyta yip, Jon yip, kisen kisen amnirik. Bi Gor nup simbongep yomb yimb

ak, Jon nup niṅrep gak rek nuk amiy, pisnep korip kor giyṅgipay baniys miṅgan biyaṅ amnak.

<sup>16</sup> Piyta nuk mis akyan mindek. Jon pen andkind apiy, biyn kinjenram kond mindek anup anḡiy, Piyta nup poṅind baniys miṅgan biyaṅ amnak.

<sup>17</sup> Pen biyn kinjenram kond mindek ak, Piyta nup anḡak, “Nand kunep Jiysis binuk bap rek?” Anḡek anḡak, “Yand mer anḡak.”

<sup>18</sup> Pen Kayapas nup wong giṅiyṅgipay bi gok sek, Jiwda poliys gok sek kuyip takil gek, mon bap namb kun siṅak danḡiy, jakiy nep maniy mindeyak. Piyta nup kunep takil gek, ap namb kun okok wopsakiy, kiy yip mon maniy mindek.

### *Anas Jiysis Nup Minim Anḡniṅak*

*(Mat 26:59-66; Mak 14:55-64; Luk 22:66-71)*

<sup>19</sup> Pen Anas, bi Gor nup simbonḡep yomb yimb nind mindyṅgip ak Jiysis nup, biynimb nup yenen kisen giyak ak sek, minim yerip anḡṅiyṅgip ak sek anḡniṅak. <sup>20</sup> Kun giy anḡniṅek anḡak, “Yand minim gunap weygiy ma anḡṅinik; bi nimb gok niṅmindyakniṅ, nan-gep korip gok sek, Gor anḡniṅep korip ak sek per misen anḡṅimbiyn. <sup>21</sup> Kun ak yenen wiysniys ma dand apiy, yip minim kun ak rek anḡniṅsipim? Biynimb yip ninyak guniy, minim anḡnik ak niṅbay rek ayip ak, kuyip anḡniṅnimimb anḡak.”

<sup>22</sup> Jiysis kun anḡek, Jiwda poliys bap, nup mikem kind siṅak pikiy anḡak, “Yenen bi Gor nup simbonḡep yomb yimb anup, minim kun ak rek aspan anḡak.”

<sup>23</sup> Anḡek anḡak, “Minim yesek bap anḡen, minim yesek apiyn kun ak, biynimb guniy kuyip



anğñan. Pen minim niñind yimb ak anğen, yenen yip pikpan anğak.”

<sup>24</sup> Pen Anas, bi Gor nup simbongep yomb yimb nindnimb ak, Jiysis nup tiwningrimbikyak rek mindakniñ, anğek dand binak Kayapas, bi Gor nup simbongep yomb yimb kisenimb mindek ak, amniyak.

*Piyta Tip Ak, Jiysis Nup Ma Niñbiyn Anğak  
(Mat 26:71-75; Mak 14:69-72; Luk 22:58-62)*

<sup>25</sup> Pen Piyta nuk kun giy nep, jakiy mon manjiy mindakniñ, bi gunap nup anğyak, “Bi kun ak, binuk bap mey nak rek?”

Angey, anğ silokiy anğak, “Yand mer anğak.”

<sup>26</sup> Pen Piyta bi timund timbrikak ak, bi lek lek nuk rek bap apiy, Piyta nup anğak, “Yand nip niñbiyn; nak bi kun ak yip wonğday ak mindamban rek?”

<sup>27</sup> Anğek, Piyta tip ak, anğ silokiy anğak, “Yand mer anğak.” Kun anğakniñ, day kakaruk suk anğak.

*Jiysis Nup Dand Paylat Mindek Ak Amniyak  
(Mat 27:1-2, 11-14; Mak 15:1-5; Luk 23:1-5)*

<sup>28</sup> Miñmon yowakniñ, Jiysis nup Kayapas korip animb, dand Rom gapman biyomb Paylat korip ak amniyak. Jiwda biynimb Pasopa tap ñiñniñ giyak rek, Rom biynimb korip miñgan amon, chinup asiñ wilikniñgamb anğiy, mis akyañ mindeyak. <sup>29</sup> Kun giy nep mindyakniñ, Paylat mis amiy anğak, “Bi biy nup minim yerip niñiy dand opim?”

<sup>30</sup> Anğek anğyak, “Nuk tap timey bap ma gem-bikop, nup kun giy ma dand opnup anğyak.”

<sup>31</sup> Angey, Paylat angak, “Nimbik dam low nimbik ar ak key angip rek niñiy, kor gim angak.”

Angek, Jiwda kay pen angyak, “Rom low ar ak, chin biynimb gok kuyip kor giy, ñangayon kumniñiy angiy bap ma mindip angyak.” <sup>32</sup> Angyak kun ak, Jiysis yip kun giy ñangbirik ayniñgambay angiy, nind angyak rek nep gak.

<sup>33</sup> Pen Jiwda biynimb kun angeyak, Paylat tip ak andkind korip miñgan biyañ amiy, Jiysis nup angak, “Nak Jiwda kay kiyañ kiyk ak akan?”

<sup>34</sup> Angek angak, “Minim yip angniñsipan ak; meñg miñgan nak ak key aspan akan, biynimb gunap meñg miñgan ak diy aspan?”

<sup>35</sup> Angek, Paylat angak, “Yand Jiwda bi rek, Kiyañ yomb key yimb chin mindeniñgamb angiy kond mindipay ak nup kond mindenim. Pen biynimb nak gok nep, bi Gor nup simbongep yomb nak gok nep nip dand opay. Nand kiyañ mindniñg gey, nip kun giy dand opay akan?”

<sup>36</sup> Angek, Jiysis angak, “Yand biynimb diy kond mindeniñgayn ak; kiyañ man ar biy mindipay rek ma mindeniñgayn. Yand man ar biy kiyañ mindniñg gembiniñp, Jiwda biyomb gok yip miñ ayun angey, biynimb yand gok tikjakiy, kiy yip penpen ñapyap. Pen yand biynimb diy kond mindeniñgayn miñ ak key mindip; mankumb biy kiyañ mindipay rek mer angak.”

<sup>37</sup> Kun angek, Paylat angak, “Kun ak nand kiyañ bap?”

Angek, Jiysis angak, “Mey nak apan ak. Ar kun anep mey, Bapiy Gor gek, yip mankumb biy tikayey, yomb giy, minim yipul yimb ak

anğñimbiyn. Biynimb minim niñind yimb ak dinjun anğiy niñbay gok, minim yip ak dipay anğak.”

<sup>38</sup> Kun anğek, Paylat anğak, “Pen minim okok nimb okok nimb keykey kuñaynep mindip ak, yergiy minim yipul yimb mey ak anğiy niñjun anğak.”

*Paylat Jiysis Nup Ñanğnimimb Anğak*  
(*Mat 27:15-31; Mak 15:6-20; Luk 23:13-25*)

Paylat minim kun ak anğiy, tip andkind mis amiy, Jiwda kay kuyip anğak, “Nuk tap timey bap gamb ma niñbiyn. <sup>39</sup> Pen chin Rom gapman, simiy ak simiy ak, Pasopa ñin ak apamb, kalambis bi nimb bap yikop wisik yokpun. Kun ak, Jiwda kay kiyñ nimbip ak, yikop wisik yoken amnimun akan?” <sup>40</sup> Anğek, kiyk meñğ miñgan dand araniy anğyak, “Nup mer! Chinup Barabas nup wisik yoknimin anğyak.” Bi Barabas kun ak, bi tap siydep gapman kay yip penpen giyiñgip.

## 19

*Paylat Amiybi Nuk*

<sup>1</sup> Kun anğeyak, Paylat amiybi nuk gok anğek, Barabas nup wisik yokiy, Jiysis nup miñ diy tapin nep pikyak. <sup>2</sup> Kun giy pikiy, tap ñiwñiw sek gunap diy, kiyñ aypay rek ar band bap giy, jun ar nup biyoñ ayñiy, chech muk parsek bap ayñiyiñğ anğyak, <sup>3</sup> “Jiwda kiyñ kiyk ak, pernep mindonimun anğyak.” Kun anğyiñğ, nup mikem piksil giyak.

<sup>4</sup> Pen Paylat tip ak mis amiy, Jiwda biynimb kuyip anğak, “Nup dand mis biy apiy, minim

gunap angninjen, angek niņningambim. Nuk tap timey gip junj bap ma piyow niņbiyn angak.”  
5 Pen Jiysis nup ar band ñiwñiw sek ak ayñiy, chech muk parsek ak ayñey mis owakniņ, Paylat kuyip angak, “Nup niņim angak.”

6 Kun angek, bi Gor nup simbongep yomb gok sek, Jiwda poliys gok sek Jiysis nup niņiy angyak, “Nup mon kiros bak biyoņ ñanğbirik aynimimb! Mon kiros bak biyoņ ñanğbirik aynimimb angyak.” Kun angeyak, Paylat angak, “Nimbik key dand amiy, kun ginimimb. Yand tap timey gip junj bap ma piyow niņbiyn angak.”

7 Angek, Jiwda kay angyak, “Gor Ñinuk mindpiyn anğip ak, low chin ar ak kumnimuņ nokom angyak.”

8 Kun angeyak niņiy, Paylat tapin nep pirikiy, 9 tip ak korip miņgan biyaņ amiy, Jiysis nup anğniņiy angak, “Nand miñmon akay nimb?” Angek, minim bap pen ma yimb angek, 10 Paylat angak, “Yip minim ma anğniņgamban? Nand niņban: yand nep nip kond mindpiyn. Wisik yokniņğ wisik yokniņğayn; pen mon kiros bak biyoņ ñanğbirikim angen, ñanğbirik ayniņğambay angak.”

11 Angek, Jiysis angak, “Pen yip kond mindpan ak nand key mer; Gor nep angek kond mindpan. Kun ak yip timey gispim miker ak, nand nep ma diniņgamban; bi yip dand opay gok, miker yomb yimb ak diniņğambay angak.”

12 Jiysis kun angek, Paylat nup yikop angyokiyn anğiy gos niņak ak pen, Jiwda kay meņğ miņgan dand araniy angyak, “Jiysis nup wisik

yokningamban ak, biyomb yimb Siysa bungiy nuk ma mindeningamban. Bi kiyn mindpun apay gok, Siysa yip penpen ñangun angyi ninbay angyak.”

<sup>13</sup> Kun angeyak, Paylat am Jiysis nup poñind mis apiy, am bi minim tungasikep siya ar ar sinbiyon giyak ar ak bisgak. Tip ar bisgak kun ak, “Kamb Simen” angyingipay.

<sup>14</sup> Pen ñin kun ak, Jiwda biynimb Pasopa tap kiyk nan-gep ñin ak. Pumbnamb yomb biyon won ak, Paylat kuyip angak, “Kiyñ nimbik ak angak!” <sup>15</sup> Angek, menj mingan dand araniy angyak, “Ñang ayan!” “Mon kiros bak biyon ñangbirik ayan angyak.”

Angey, Paylat angak, “Kiyñ yomb nimbik ak, mon kiros bak biyon ñangbirik aynim?”

Angek, bi Gor nup simbongep yomb gok angyak, “Kiyñ chin bap ma mindip; Rom biyomb yimb Siysa nep mindip angyak.”

<sup>16</sup> Pen kun giy anğ dand amiy, Paylat minim kuyip ak diy, amiybi gok kuyip angak, “Jiysis nup dam mon kiros bak biyon ñangbiriknimimb angak.”

### *Jiysis Nup Mon Kiros Bak Ñangbirikyak*

*(Mat 27:32-44; Mak 15:21-32; Luk 23:26-43)*

<sup>17-18</sup> Pen Jiysis nup kiros ak ñey, dand Chip junwon apay dum ak amek, nup namb biyan ñangbirikiy; bi ominjal, bap pis bap pis ñangbirikyak.

<sup>19</sup> Pen Paylat angek, Jiysis nup ñangbirik ayak kiros bak biyon, yimb tikay angyak, “Jiysis bi Nasaret nimb ak, Jiwda kay kiyn yomb kiyk ak

anğyak.” <sup>20</sup> Minim ar nokom kun anep, Griyk minim tikiy, Hiybriw minim tikiy, Latin minim tikiy geyak mey, dawin yomb ak mañ kun siñak mindek rek, biynimb kuñaynep niñyak. <sup>21</sup> Pen Gor nup simbongep biyomb gok, am Paylat nup anğyak, “Minim tikpan ak timey. Jiwda kay Kiyn yomb key yimb kiyk ak anğiy ma mindonimun; yikop angnimin, ‘Nuk anğip, yand Jiwda kay kiyn yomb kiyk ak anğip anğiy tiknimin anğyak.’” <sup>22</sup> Kun anğeyak, Paylat anğak, “Minim yerip yerip anğiy tikniñgayn ak, kun giy nep mindeniñgamb anğak.”

<sup>23</sup> Pen Jiysis nup mon kiros bak biyon ñanğrimbik ay, amiybi ominiñal ominiñal Jiysis chech nup gok pikasik keykey diy, chech parsek giy ma ñanğ diyak ak, kunep pikasik diniñ anğyak, <sup>24</sup> “Ma tunğralikjun! Yikop sandiw rek giy, bi an wiyn giniñgamb ak, nuk dinimun anğiy,” sandiw rek giy diyak.” Giyak kun ak, Gor giniñgambay rek niñiy gos ñek, Baybol buk tikiyak ar ak nep giyak. Minim kun ak tikiy anğyak, “Chech yip ak bilok keykey diy, chech parsek yip ak dun anğiy, sandiw rek giy dinjun anğniñgambay anğyak.”

<sup>25</sup> Pen ñin kun ak, Jiysis nonim ak, numkan ak, Mariya binak Kiliyowpas biynuk ak, Mariya Makdala nimb ak ap, Jiysis nup ñanğbirikyak gol siñak mindeyak. <sup>26</sup> Binuk Jiysis wasemb yimb ayiñgip ak, kunep ap mañ kun siñak mindek ak mey, nonim Mariya nup anğak, “Ñinak mey ak anğak.” <sup>27</sup> Kun anğiy, bi kun ak nup anğak, “Nanim nak mey ak anğak.” Kun anğakniñ, ñin kun ak, Jiysis nonim nup poñind korip amiy, yip

mindyĩngipiy.

*Jiysis Kumak*

*(Mat 27:45-56; Mak 15:33-41; Luk 23:44-49)*

<sup>28</sup> Jiysis ninak; wong ar nuk ak mangiysek gindak ak mey, Baybol minim tikyak ak ninind aynimun angyi angak, “Yip kunam kinjik gip angak.” <sup>29</sup> Pen wayn silik botol bap dap kun sinak ayey mindek ak mey, amiybi bap, tap sayn band bap diy, wayn silik kun ak tawek amek, di mon alik day ak kambis ñangiy, dand araniy, Jiysis jonimb ar nup ak ayak. <sup>30</sup> Ayek, wayn silik kun ak ñimbiy angak, “Mey tep angak.” Pen day jiwip angyi, jiy kuyangiy angak, “Bapiy. Kawnan yip ak dan angyi,” kumak.

*Jiysis Tinglim Pis Nup Ak Pinjyak*

<sup>31</sup> Pen Jiwda kay, Praydey dungep won ak niniy, toy lotiw ñin chin ak, chip gok kiros bak biyon ma mindonimun angyi, am Paylat nup angyak, “Bi mon kiros bak biyon ñangbirik aypay gok, tomb kuyip gok pikpangey kasek kumey, di man biyan ayningiy angyak.” <sup>32</sup> Angeyak, Paylat amiybi gok kuyip angek, am bi Jiysis yip ñangbirik ayak ominal ak, tomb pikpangey kumrik. <sup>33</sup> Pen Jiysis nup tomb ak pikpangun angyi amiy ninjak: nuk kumek tomb nup ak ma pikpangyak. <sup>34</sup> Amiybi bap, kusay ak diy, Jiysis nup tinglim anjin sinak pinjyek, likañ sek, ñingsek yowak. <sup>35-37</sup> Pen gak kun ak, Baybol buk ak angyi tikyak rek nep gak. Tikiy angyak, “Tiniy nup ak, bap ma pikpangningambay angyak.” Pen minim bap angyak, “Bi pinjyak anup ninningambay angyak.” Kun ak

nup gosimb niñbiyn rek, nimb kunep niñnimimb angyi, Jiysis nup gak kun ak windin yand key niñiy, nimbip minim niñind yimb ak aspiyn.

*Jiysis Nup Komyak*

*(Mat 27:57-61; Mak 15:42-47; Luk 23:50-56)*

<sup>38</sup> Pen bi miñmon Armatiya nimb bap, Jiysis nup gosimb niñyিংp ak pen, Jiwda biyomb gu-nap kuyip niñiy pirikiy, misen ma angyingip. Bi kun ak yimb nuk Josep. Nuk Jiysis nup dam komiyn angyi, am Paylat nup angninek, yaw angakniñ, diniñg amnak. <sup>39</sup> Amek, Niykodiymas bi nind am Jiysis nup kisyimken niñak ak; tap kuyrep wak ak, kuñaynep tawiy, dand Josep yip amnirik. Tap kuyrep wak kun ak mon “alos” apay mik ak sek, mon “mer” apay mik ak sek diy giyak. <sup>40</sup> Pen kiyk omiñal am Jiysis nup komniñg, Jiwda biynimb giyিংp ay rek, mon mik dand amnirik gok mumbwak nup okok wiykiy, chech tund sikoy par ak diy, kom kom gayrik. <sup>41</sup> Jiysis nup ñangrimbik ayak mañ kun siñak wonğday bap mindek. Pen wonğday namb kun ak, chip kaw kisen nep bap kiluk ay chip ma komyak ak mey, Jiysis nup dam miñgan kun ak komyak. <sup>42</sup> Pen Jiwda lotiw ñin ak mañ mañ gak rek, kasek komjun angyi, kamb miñgan yep mañ kun ak komyak.

## 20

*Chip Par Ak Kamb Miñgan Ak Ma Mindek*

*(Mat 28:1-8; Mak 16:1-8; Luk 24:1-12)*

<sup>1</sup> Sandey ñin ak miñmon tikniñg gakniñ, Mariya miñmon Makdala nimb ak, chip komyak



kawrumb binen amiy niñak; kamb yomb chip kawrumb pilgiyak ak, gol okok mindek. <sup>2</sup> Nuk niñiy, tip ak pungrikind angyi Saymon Piyta yip, Jon yip minderik ak apiy angak, “Biyomb anup dand kapkap ambay; pen daypay okok ma niñbiyn angak.”

<sup>3</sup> Kun angek, Piyta yip, Jon yip niñning, <sup>4</sup> pungrikind yimb angyi sanjirik. Piyta nuk sisayn gaksiñ, Jon nind amjakiy, <sup>5</sup> mis akyan nep mindiy, ñik giy kamb miñgan binen niñnak: chech band gok nep mindek. <sup>6</sup> Saymon Piyta nuk kisen apiy, sikind miñgan binen amiy niñak: <sup>7</sup> Jiysis nup chech pipkomyak gok ma wisik gak; kom kom giyak rek nep mindek. Pen chech jun neñ pañg kus kus giyak ak kunep ma wisikak; pañg kus kus giyak rek, pis amiy mindek. <sup>8</sup> Jon pen kunep kamb miñgan sikind amiy niñnak: chech gok pipkomyak rek mindek mey, Jiysis tikjakip angyi niñak. <sup>9</sup> Pen ñin kun ak, Baybol buk tikiy, Jiwda Kiyñ yomb key yimb ak tip tikjakniñgamb angyak minim ak niñrep ma girik. <sup>10</sup> Pen kiymiñay Jiysis nup komyak ak niñiy, tip andkind korip amnirik.

*Mariya Miñmon Makdala Nimb Ak Jiysis Misen Gek Niñak*

*(Mat 28:9-10; Mak 16:9-11)*

<sup>11</sup> Mariya pen chip komyak kawrumb kun ak siy anğ mindying, miñgan binen niñak: <sup>12</sup> enjol chech tund ayrik omiñal ak, bap jun day binen, bap tomb day biym minderik. <sup>13</sup> Enjol omiñal kun ak, Mariya nup anğrik, “Yenen siy aspan anğrik.”

Anjer angak, “Biyomb yand anup dand amiy, akay daypay ak ma niñbiyn angak.” <sup>14</sup> Kun angiy tungandikiy niñak: bi bap ap mindek. Pen Jiysis nep angiy ma niñak.

<sup>15</sup> Jiysis pen Mariya nup angak, “Yenen siy aspan? Anup piyowsipan?”

Angek, Mariya angak-en, bi wongday nop nimb anep yip asap angiy angak, “Chip ak dand ambiyn angiy ker, akay daypan ak yip angenimin, dand annim angak.”

<sup>16</sup> Angek angak, “Mariya!”

Angek, Mariya pen tungandikiy Hiybriw minim angiy, “Rabonay!” angak.

<sup>17</sup> Angek angak, “Bapiy ker biyon andkind ma ambiyn rek, yip ma diniñ mindenimin. Pen am mam sikop kuyip angnimin: Jiysis angip, ‘Bapiy Gor mindip biyon tip andkind amjiapiyn. Pen nuk miñiy Bapiy yand nep ma mindip, Bapiy chin mindip angnimin angak.’ ”

<sup>18</sup> Jiysis kun angek, Mariya Makdala am Jiysis binuk gok kuyip angak, “Biyomb anup niñiy aswiyn angak.” Kun angiy, Jiysis minim angak gok kuyip angñak.

*Jiysis Misen Gek Binuk Gok Niñyak*  
(Mak 16:14-18; Luk 24:36-49)

<sup>19</sup> Pen Sandey ñin ak, pumb sañind amnakniñ, binuk gok Jiwda biyomb gok kuyip pirikiy, korig mingan amiy, kinjen ak lok giy kapkap mindyakniñ, Jiysis ap namb kun ak misen giy angak, “Gor nimbip kond minden angak.” <sup>20</sup> Kun angiy ñin wur gok sek, tinglim pis piñyak ak sek

yomiy gek, kiyk ninjiy, ak Jiysis nep anjiy kuyip tep yimb gak.

<sup>21</sup> Nuk pen kuyip tip ak angak, “Gor nimbip kond minden. Bapiy yip angyokek apiy wong nup gipiyn rek, nimbip kunep angyoksiyyn. Nimb Bapiy wong chirupapiy ak gem amnimun angak.” <sup>22</sup> Kun anjiy, aņin band nuk ak kuyip punj yokyng angak, “Gor Kawnan ak dinimimb. <sup>23</sup> Diy, biynimb tap siy tap timey gipay gok, ninjiy kirgining kirginingambim. Pen ninjiy ma kirginingambim ak, gach sek mindpay rek mindeningambay angak.”

### *Jiysis Misenj Gek Tomas Niņak*

<sup>24</sup> Pen Jiysis ap misenjiy kuyip minim angak nin kun ak, binuk Tomas, kiy yip ma mindek ak mey, kisen nup ninjiy, <sup>25</sup> Biyomb chin ak nup niņbun angyek, angak, “Kun aspim ak pen; nup niņpay miņgan gok sek, tiņglim pis nup piņiypay ak sek diniņjiy nep, minim kun ak diy, tikjakip anjiy niņniņgayn angak.”

<sup>26</sup> Kun anjiy, pen wiyk nokom bap mindiy, Jiysis binuk gok Tomas yip tip ak, korip miņgan ak kinen lok giy mindeyak. Mindyakniņ, Jiysis ap namb kun ak misenjiy angak, “Gor nimbip kond minden angak.” <sup>27</sup> Kun anjiy, Tomas nup angak, “Niņ maņjiy nand ak, yip niņgyak miņgan gok sek, tiņglim pis piņiyak ak sek nin ayniņan! Gos par ma ay, Gor Niņuk anjiy yip gosimb niņnimin angak.”

<sup>28</sup> Angek, Tomas angak, “Biyomb. Nand mey, Gor yand angak.”

<sup>29</sup> Angek, Jiysis angak, “Misenj ninjy mey, yip gosimb ninban ak pen; biynimb yip misenj ma ninjy, yip gosimb ninjy chingningambay gok, tep yimb giningambay angak.”

### *Jon Minim Biy Yenen Tikak*

<sup>30</sup> Pen buk tikpiyn biy, chin Jiysis binuk gok ninmindnukniñ, tap yomb keykey kunaynep giyingip rek, mangiysek ma tikpiyn. <sup>31</sup> Pen minim tikpiyn biy, Jiysis nup Gor Ñinuk yimb, Kiyñ yomb key yimb per kond mindyngipun ak nep angiy, nup gosimb ninem mey; nimbip dek, nuk yip kim mindeningambim angiy tikpiyn.

## 21

### *Jiysis Misenj Gek Binuk Onep Ar Ak Nup Ninjak*

<sup>1-2</sup> Pen kisen ñin bap, Saymon Piyta ak, Tomas Pirengiy ak, Nataniyel miñmon Keyna Galiyliy propens nimb ak, Jon ak, numam Jemis ak, Jiysis minim nup dirik bi ominal bap yip, jimñiy am ñing chemb yomb Taybiyriyas mindiy, Jiysis misenj gek ninjak.

<sup>3</sup> Pen ñin kun ak Saymon Piyta angak, “Yand piys nen amjipiyn angak.” Angek, binuk gunap chin yip amningambun angiy, am nuk yip bot diy, girangeyrangey miñmon yowak ak pen; piys gunap ma nep diyak.

<sup>4</sup> Pen pumb limgakniñ, Jiysis ap ñing chemb gol sinjak mindek, nup ninjak ak pen; ak Jiysis nep angiy ma ninjak. <sup>5</sup> Nuk angak, “Bungiy sikop. Nimb piys nen girang mer ninbim?” Angek, “Yaw angyak.” <sup>6</sup> Kun angey angak, “Wimben ak di

bot yipund pis okok ken yokiy mey, piys gunap diningambim angak.” Angek, wimben ak di ñing namb biyan yokiy, piys kunjay yimb nep diy, lipingey winimuñ rek ma ayak. <sup>7</sup> Kun gek, Jon Piyta nup angak, “Bi kun ak Biyomb chin ak nep angak.” Kun angek niñiy, Piyta chech yomb nuk ayak ak tungasik ay, pindenñ ñing namb biyan ayak. <sup>8</sup> Gunap pen bot ar ak mindiy, wimben piys sek aranjakiy mindek ak, liping dand ñing gol okok wiyak.

<sup>9</sup> Apiy niñyak: mon yin binj amnak ar ak, piys gunap yin mindek. Pen bired gunap kunep mindek. <sup>10</sup> Jiysis angak, “Piys miñiy dipim gok, gunap dowim angak.” <sup>11</sup> Angek, Saymon Piyta bot ar ak amiy, nuk yip wimben piys kunjaynep mindek kun ak, liping dand wiyak. Wimben ak miker gak ak pen, ma pungrinak.

<sup>12</sup> Jiysis angak, “Apiy, tap ñinim angek,” kiyk pen nand bi an ap mindpan angyi nup ma angninyak. Ak Biyomb chin anep angyi, kirgiyak. <sup>13</sup> Nuk bired ak bilok ñiy, piys ak bilok ñiy gek ñinyak.

<sup>14</sup> Pen Jiysis kumiy tikjakiy, misen gek binuk gok nup minek ominal nokom niñyak. Minek ominal korip mingan ak niñyak; minek bap ñing gol ak niñyak.

### *Jiysis Piyta Nup Minim Angak*

<sup>15</sup> Pen kun giy tap ñimbiy, Jiysis Saymon Piyta nup angak, “Saymon, Jon ñinuk. Nand bi guniy rek mer; nand yip gosimb niñiy ma nep kirpan?” Angek angak, “Yaw! Biyomb. Nip gosimb niñbiyn

ak, nand ninʒban aᅅgak.” Kun aᅅgek aᅅgak, “Siypsiyp ñiluk yip gok kond mindenimin aᅅgak.”

<sup>16</sup> Kun aᅅgiy, tip ak aᅅgak, “Saymon Jon ñinuk. Yip gos ninʒban akan?” Aᅅgek aᅅgak, “Yaw! Biyomb. Nip gosimb ninʒbiyn ak nand ninʒban aᅅgak.” Kun aᅅgek aᅅgak, “Siypsiyp yip gok kond mindenimin aᅅgak.”

<sup>17</sup> Jiysis tip ak, Saymon Jon ñinuk; yip gosimb ninʒban akan aᅅgek mey, omiᅅal nokom amnak.

Pen kun giy yinj omiᅅal nokom aᅅgniᅅek, Piyta gos miker ayiᅅ aᅅgak, “Biyomb. Nak tap okok maᅅgiyseᅅ ninʒban. Kun ak, nip gosimb ninʒbiyn ak, nand key ninʒban aᅅgak.”

Aᅅgek aᅅgak, “Kun ak siypsiyp yip gok kond mindenimin! <sup>18</sup> Nip ninʒind yimb aspiyn: miñiy gos nand key ninʒban rek gipan. Pen kisen kun ma giniᅅgamban; ñin ak pandkaw ñaᅅgiy mindnakniᅅ, nip miñ tiwniᅅgiy, ma amniᅅg giniᅅgamban okok dand amniᅅgambay aᅅgak.”

<sup>19</sup> Jiysis minim aᅅgak kun ak, Piyta tokiy ayek, biynimb gunap nup ñaᅅg ayniᅅ gey, nuk aᅅgniᅅgamb, “Yand Krays ker mindpiyn rek, yip monmon ñaᅅgnimimb aᅅgek,” nup ñaᅅgniᅅgambay rek aᅅgak. Pen Jiysis Piyta nup aᅅgak, “Yip chingiy nep mindenimin aᅅgak.”

<sup>20</sup> Minim kun ak aᅅgakniᅅ, Piyta tuᅅgandikiy niᅅak: Jiysis wasemb yimb ayiᅅgip bi ak ap mindek. Bi kun ak mey, nind Jiysis mindek kiñiᅅ siᅅak biᅅiᅅg mindiy aᅅgak, “An nip mimuᅅg giniᅅgamb aᅅgak ak.” <sup>21</sup> Piyta bi kun ak nup niᅅiy, Jiysis nup aᅅgak, “Yip kisen kun giniᅅgamb apan ak pen, bi biy nup yergiᅅgamb?”

<sup>22</sup> Angek angak, “Ak gos yand. Nup gen mindnep mindakniḡ, andkind winiḡgayn ak, minim nak mer. Pen nand yip chingiy nep mindenimin angak.”

<sup>23</sup> Jiysis minim kun ak rek angek, biynimb nuk gok minim bap angyiḡgipay, “Binuk kun ak ma kumniḡgamb angyiḡgipay.” Pen Jiysis binuk kun ak ma kumniḡgamb angyi ma angak; yikop angak, “Yand angen, nuk mindnep mindakniḡ winiḡgayn ak, minim nak mer angak.”

<sup>24</sup> Pen binuk angak kun ak, yip nep angak.

Yand mey binuk, yerer gak gok windin niḡiy minim kun ak tiksiḡiy. Chin maḡiysek niḡbun; minim tiksiḡiy kun ak, minim niḡind yimb anep tiksiḡiy. <sup>25</sup> Jiysis tap ar keykey kuḡaynep gak ak pen, minim kun ak, yep gunap nep tiksiḡiy. Pen minim kun gok maḡiysek tik buk biyaḡ ayombinup, mankumb biy sikoy gek, dayep tip ak ma mindombikop.

**Kalam Baybol Buk Gor minim nuk kisin  
angayak  
The New Testament in the Kalam Language of Papua  
New Guinea  
Nupela Testamen long tokples Kalam long Niugini**

copyright © 1992 Wycliffe Bible Translators, Inc.

Language: Kalam

Dialect: central

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-01-06

---

PDF generated using Haiola and XeLaTeX on 21 Feb 2024 from source files dated 31 Aug 2023

1491c109-3ee2-5565-9b83-06c480168547